



2974

118318

B. Ham.

/ coll. 1. part. 1

1869. III. 117.

nabyła rannicuz, k. Frölnem.

~~Hot. 3149.~~

Wzór podwójny grzebienny

Martini Opitii Variarum Lectionum Liber ...,
Dantisci ex officina Andreae Hünefeldii, 1637
BJ St. Dr. 19460 I

MARTINI OPITII
VARIARVM
LECTIONVM
LIBER.

In quo præcipue
SARMATICA.



Gf. Jemler

DANTISCI
Ex officina Andreæ Hünefeldij.

Bucsn. ep. p. 138.

M. DC. XXXVII.

66
DEF
E.

Ad.

VARIATION
SECTION



SARMA TICA

19460.I

DANIEL
Es of the House of

M. 100, XXXVII

ILLVSTRISSIMO CELSISSIMO
DOMINO. DOMINO
THOMÆ DE ZAMOSCIO
COMITI IN TARNOV
SVPREMO REGNI POL. CANCELLARIO,
GENERALI CRACOVIENSI,
KNYSSYNENSI RABSTINENSI SOKA-
LIENSI PRÆFECTO.

SOlenne scriptoribus est, neque
citra decorum, Domine Celsissime,
rationem dedicationum suarum illis red-
dere, quibus ingenii sui monimenta of-
ferre audent. Ego verò cur gloriosissi-
mū Celsitudinis Tuæ nomen pagine huic
inscripserim, neque publicè & coram o-
mnibus, neque priuatim & apud te, nisi
qua parte munusculi tenuitas excusan-
da est, causam mihi admodum dicen-
dam existimo. Nam & eorum quæ nemi-
nem fugiunt imprudentes esse, & literas
aut nescire aut odisse oportet eos, qui in-
ter ingentia stirpis tuæ auctorumque me-

DEDICATIO

ritorum ornamenta, patrocinium etiam
 studiorum & amorem cum ipsa heredita-
 te ac quasi per manus à Parente maximo
 Tibi tradita vel ignorant, vel dissimulant.
 Qui exactissimus Heros Regiam autori-
 tatem decusque asseruisse; Rempublīcā
 virtute armorum, consiliorum dexterita-
 te ex summis identidem difficultatibus
 expediuisse; spirantemque vnicè in Re-
 gno hoc florentissimo libertatem vindi-
 casse non contentus, instrumenta gloriæ
 literas insuper fouit, pacis opus Academi-
 am inter bella exstruxit, libros inter ca-
 strorum supellectilem habuit, & prome-
 rentia æternitatem cum scripsit ipse, tum
 vt scriberentur Scaligeros, Muretos, Li-
 psios & singulares viros alios largitioni-
 bus, humanitate, beneuolentia omni pel-
 lexit, inuitauit. Tu verò, Domine Illu-
 strissime, passibus magnis Æneam Tuam
 secutus, splendorem Principalis familiæ

tuæ,

DEDICATIO.

tuæ, famam Patris immortalē, certissimā
de naturæ tuæ bonitate & animo, tanta-
rum ad quas natus eras rerum capacissi-
mo, fiduciam qua celeritate, quibus ausi-
bus inter ipsa ætatis initia impleuisti? Spe-
ctatum rara quæque, egregia, monstrabi-
lia, denique te digna in regiones extrane-
as missus, spectaculum ipse pulcherrimū
vbiuis gentium edidisti mirificæ ac præ-
claræ indoliste, mentesque omnium be-
neficio virtutum tuarum ad amorem tui
ac reuerentiam adeò pertraxisti, vt præ-
stantissima quæque in nostris tempori-
bus ingenia Amplissimo Nomini Tuo
obstricta reddideris & vectigalia. Redo-
natus tandem Reipublicæ ac tuis, conspi-
rante nō magis cum Fortuna Regio judi-
cio Regnique suffragijs, quam illustribus
meritis Tuis, amore Patriæ, defensione li-
bertatis vt dignitates alias, easque emi-
nentissimas, peruasisti: ita ad hanc, cui

DEDICATIO.

dignitas ex te augetur, annuente cœlo,
applaudēte Republica, cuius bono natus
es, feliciter accessisti. Ne quis itaque mi-
retur, libellum hunc meum ad Tuæ potis-
simum Clementiæ aram à me deponi, Do-
mine Celsissime, qui cum in eo rerum fa-
stigio collocatus sis, vnde mera spargen-
tes beneficia radij splendoris clarissimi
collustrant omnes, fieri non potest quin
& strictura benigna perueniat ad singu-
los. Sed & silentio inuoluenda non est
comitas illa tua & humanitas, qua me pro
affectione aduersus amantes literarum
incredibili, ante hoc quinquennium iam
beare ac inter clientes tuos recipere vo-
luisti. Cogitavi itaque, qua me ratione
Celsitudini Tuæ Comitij, quibus sua
quoque consilia Numen diuinum adijci-
at, nunc feruentibus inter futuræ in me-
moriā benignam reuocarem, &, ne ni-
hil mitterem, animaduersiones has intra

tot die-

DEDICATIO.

tot dieculas (nam verum fatebor, & sci-
unt amici) quot annos premere nos scri-
pta nostra Simonidis olim tui Horatius
vult, quadam festinandi voluptate con-
gessi ac deproperavi. Argumento tamen
placere volui; quia non potui doctrina
vel scripti maturitate. Sed & hoc ipsum,
mixtis etiam paucis studiorum amœnita-
tibus alijs, ita percurfavi, vt hanc minimã
eorum partẽ esse concedam eorum, quæ
hoc agentibus dicenda restant. Qui enim
opustanta materia & Sarmatico nomine
dignum moliri velit, vniuersum Antiqui-
tatis mare nauiget, Auctores pœnẽ o-
mnes euoluat, temporum momenta per-
pendat, migrationes gentium ac confu-
sa sæpẽ domicilia paullò quam ab alijs fa-
ctum exactiùs inuestiget, longitudines
regionum ac distantias situsque vrbiũ
& oculis & animo metiatur, prisca cum
nostris, hæc cum illis componat, iudicium
denique

DEDICATIO.

denique & laborem acri studio & vigilantia conjun-
gat necesse est. Tu tamen, vt, siue patriæ causa,
cujus laudi meritò faues, siue studiorum, quæ & suc-
cessu eximio ipse sectatus es, & benignè semper ha-
bes, mansueto, clemēti tuoque vultu quicquid hoc
libelli est suscipias, meisque conatibus præsidio tuo,
tua beneuolentia patrocinari pergas, quantum pos-
sum oro. Deum verò qui est Maximus toto animo
veneror, quemadmodum sopito armorum tumul-
tu, fufis hostibus aut summotis, inuictam hanc Rem-
publicam beatitudine Pacis & tranquillo rerum sta-
tu cælitis donauit, deinceps hinc etiā Victoriosissi-
mi Clementissimique Regis nostri Maiestatem bono
Orbis Christiani florentem diu diuque ac incolumē
præstet, Inclitorum Procerum & sic Tuis etiam, Do-
mine Illustrissime, factis consilijs, cogitatis euentus
publicè priuatimque salutare largiatur, Regni de-
nique Potentissimi Regnis alijs negatæ libertati li-
bertatis perpetuitatē adstruat clementer illamque
ex voto conseruet. Dantisci, Pr. Cal. Februarias,
Ann. M. DC. XXXVII.

Clementiæ Celsitudinique Tuæ

semper dicatissimus

MARTINVS OPITIVS.



MARTINI OPITII
VARIARVM
 LECTIIONVM
 LIBER.

CAPVT I.

Sarmatia Græcis & Romanis serò cognita. Orithyia Fabula. Item Amazonum. Pontus Euxinus καυόξενος: ἐχθρόξενος: ἀπόξενος: ἄξενος: ἀξιόθελος. Sarmata Scythæ olim dicti: Scythia magnitudo. Inter Scythicas Sarmatica gentes. Ister Scythicus. Sed haud rarò illæ distinguuntur. Bella etiam inuicem gesserunt. Sarmatae quomodo Scythæ.

Sarmaticarum rerum gentiumque omnis cognitio serò demum ac bellorum necessitate maximè ad Græcos pariter ac Romanos peruenit, Strabo equidem, quem D. Augusti temporibus ac Tiberii claruisse credimus, cum Italiam, Ægyptum, Æthiopiam & longinquas regiones alias peragraverit, quid vltra Germanos & confines iis alios extet, quantumque Basternæ & Sauromatæ,

mata, ac in vniuersum qui supra Pontum habitant ab Atlantico mari absint, aut an eò vsque pertingant, facile dictu non esse, lib. VII. ipse fatetur. Itaque factum ignoratione horum locorum ait, vt Pytheas Massiliensis aliiq̃ue quiduis præter verum commenti sint. Quibus etiam omissis ea solum refert, quæ ex veteri ac recenti historia sese dicit accepisse. Orithyiam verò a Borea raptam, superque Pontum ac fontes noctis & veterem Phœbi hortum perlatam, ut ad institutum suum facere non autumat: ita vexatissimas Amazonum Neptuni, ut Lycophron prodit, siue, vt Philostratus, Lucanus, Seruius aliiq̃ue, Martis filiarum historias iis relinquemus, qui fictis fabulis suum & aliorum otium oblectant.

Neque licentia vetustatis abusos hic esse nonnullos miramur: Pontus Euxinus quamdiu diuersum planè nomen sustinuit? Lycophronis in Alexandra versus est:

— καὶ κακὸν εἶναι κλύδων

Σκύθῃσι γείτων. —

Et male-hospitalis fluctus Scythis vicinus. Hostiliter-hospitalem Æschylus vocat:

Ἐχθρόν εἶναι, inquit, ταῦτασι μητρὶ καὶ νείων:

Vt ad illum Lycophronis locum Isacius Tzetzēs obseruat. Sophocli ἀπόξενον est, notante ad Dionysium Periegeten Eustathio. Nam illud ἄξενον, pro ἀπόξενον, quod attinet, *Cui non dictus Hylas?* Vt verò ob infesta latrocinij littora & portibus orba sic dictum Plinius lib. VI. Ammianus Marcellinus lib. XXII. Apollonii Scholiastes alijque asserunt: ita, ne hic quoque fabula desit, Herculem illa loca purgasse, & Axeni nomen in Euxini mutasse, idem Tzetzēs eòque doctior Eustathius nos docent; quorum hic,

hic, Herodotum tamen, ἀξιόθιτον, hoc est, *spectatu maxime dignum* vocasse, adiicit.

Cæterum cur Sarmatæ Scytharum nomine antiquitus ut plurimum innotuerint, vel inde liquet, quod, auctore Strabone lib. I. notæ versus Aquilonem gentes, de priscorum Græcorum sententia, vno nomine Scythæ vel Nomades, ut Homero, appellatæ fuerunt. Imò Hippocratem tria vniuersi climata declarare volentem, ex hac mente Scythiam pro Europa tota, tanquam partem eius maximam, sumere ex Erotiano ad voces Λιβύη, Ἀσία, Σκυθία discimus. Et Herodotus Sarmatiam omnem sub Scythiæ nomine comprehendit. In iisdem etiam historijs, qui Sarmatæ sunt illis scriptoribus, Scythas sæpissimè istis esse, nullo errore fieri putandum est; cum Scythicis gentibus Sarmatæ nullibi non annumerentur. Ita Hippocrates περὶ αἰσίων, ὑδάτων, πίπων, in Europa gentem esse Scythicam ait, qui Sauromatæ appellantur. Et Plin. lib. IV. Hist. Nat. *Sauromatas*, inquit, *gentes Scytharum Græci appellabant.* Stephanus: Σαρματία, ἔθνη Σκυθικόν. ἢ ἡ χώρα αὐτῶν Σαρματία, καὶ Σαρματικὸν ἔθνος. *Sarmata gens Scythica: Regio eorum Sarmatia, & Sarmaticus mons.* Idem: Σαρμομάτις, Σκυθικὸν ἔθνος. καὶ Σαρμομάτις ἡ γυνή, καὶ ἡ χώρα. *Sauromata, Scythica gens. Et Sauromatis femina, & regio.* Strabo lib. XI. Εἰδοτέω δὲ τούτων Σαρματία, καὶ οὗτοι Σκύθαι. *Citra hos omnes Sarmata, qui & ipsi Scythæ.* De Istro Virgilius Georg. III

*At non quæ Scythiæ gentes, Maoticæque vnda,
Turbidus & torquens flauentes Ister arenas.*

Vbi Seruius P. Danielis & editionis Venetæ: (nam quæ Fabricius de Sarmatis adiecta reliquit, a recentiori manu sunt.) *Ister, inquit, fluvius Scythiæ, qui & Danubius nominatur.*

Inuenire tamen est, vbi apertè distinguuntur. Strabo ipse de Asiaticis lib. XI. *Εἰσπλέοντι δ' ἐν δεξιᾷ μὲν πρὸς Εὐροπαιοῖς, οἱ συνεχεῖς Σκύθαι νέμονται, καὶ Σαρμάται.* Cum ad dextram intrò nauigatur, Europæis continui Scythæ habitant, & Sarmatæ. Florus lib. IV. cap. XII: *Nam & Scythæ misere legatos, & Sarmatæ, amicitiam petentes.* Inscriptio vetus in Agro Tiburtino :

MOTVM ORIENTEM SARMATAR
COMPRESSIT.

Et paullò post:

SCYTHARVM. QVOQVE. REGEM. ACHERONENSI
QVAE. EST. VLTRA. BORYSTHENEM. OPSIDIONE
(SVMMOTO.

Theodoretus ferm. VIII. *Ἀλλὰ καὶ Πέρσαι καὶ Σκύθαι καὶ Μασσαγῆται καὶ Σαυρομάται, καὶ Ἰνδοὶ καὶ Αἰθίοπες.* Sed Persæ quoque, Scythæ, Massageta, Sauromata, Indi & Æthiopes.

Sarmatas etiam Scythis bellum intulisse, cum alibi
= cum apud Lucianum in Toxari, & Dionem Chrysostomum in Borystheniticis legimus, qui grauissimus auctor
= æuo Traiani Imp. a quo triumphali etiam currui aureo ob illustre nominis & doctrinæ meritum adhibitus fuit, Borysthenem ipse peragratus est.

Quare cum inter Scythas Sarmatæ reponuntur, generatim hoc plerumque fit, atque uniuersè. Quamuis enim magnus semper Sarmatarum numerus, magnum nomen fuerit & imperium, Scythiam tamen & alias gentes habitasse ac populos, vel historiarum omnium consensus nobis dictat, vel tot terrarum spatia ostendunt, quæ Scythiæ nomine antiquitus longè latèque censebantur.

CAPVT. II.

Sauromata siue *Sarmata* vnde dicti. Græcorum sententia. Item Stephani Zamosij. *Sauromata* *Syrmata*. Isidori opinio. *Sarmatia* Asiatica & Europæa. *Samata* pro *Sarmata*, apud Dionysium Periegeten. *Asia* & *Europa* fines; ex mente Phil. Cluery-

S *Armata* siue *Sauromata* (nam argutari cum *Æthico* nimium videntur, qui hos *Asiæ*, illos *Europæ* gentem constituunt) vnde nomen sortiti sint, & an domesticum ipsis fuerit, an a Græcis acceptum, vix comper- tum habemus. Græcorum quidem nonnemo illud suis vindicat, qui *Sauromatas* ab oculis lacertorum, quod ex viriditate facies eorum instar lacertarum palleant, dictos putat. Σαυροματῶν enim *lacerta*: ὄμμα oculus est. At sic *Saurommatas* potius dicturos fuisse Græcos videri potest. De *Syrmo* autem Tribaliorum rege, de quo Strabo & Arrianus lib. I. quod Steph. Zamosius in libello *Analektorum* Daciorum suspicatur, nescio an consistat, cum veteres Græcorum scriptores meminisse *Sarmatarum* Strabo lib. VII. prodat, *Triballorum* vero rex ille cum *Alexandro* demum bellum administrauerit. Interea, *Sauromatas* *Tanais* flui- uij accolæ etiam *Syrmatas* vocitatos, non nego. Eudoxus apud Stephanum disertè: Σαρματῶν, οἱ Σαυροματῶν, ὡς Εὐδοξὸς πρῶτος, Ποταμὸν δὲ Ταναΐδην Σαρματῶν καλεῖται. Vt verò Isidori opi- nioni nemo accedet, qui: *Sarmata*, inquit, *patentibus* campis *armati* *inequitabant*, priusquam eos *Lentulus* *Danubio* prohibuit, atque inde ob studium armorum *Sarmata* *nuncupati* *existimantur*: ita quæ huius argumenti *Goropius* ex *Celti-* cæ suæ linguæ plusquam *Cimmerijs* *tenebris* *producit*, ri- sum non fidem merentur.

= *Sarmatas* quod *Samatas* appellat Dionysius hoc versu :

Γερμανοὶ Σαρμάται τε, Γέται δ' ὅμιχα, Βαστάρναι τε,
Germani, Samataque simul, Bastarnaque ;

per omissionem & ε facit ; vt & alibi Τέγεςπον pro Τέγεςον
 dicere sibi permisit, more vix imitando : nisi quod ipse
 Homerus Κεῖταιον etiam II. Iliad. vocat per similem μετὰ δὲ
 σὶν insulam inter Rhodum & Cretam, quæ Κεῖταιος dicitur.
 Quantum tamen hic liceat, Plinium Iuniorē feramus iu-
 dicem, cuius verba lib. VIII. epist. IV. ad Caninium, bel-
 lum Traiani aduersus Dacos scribere parantem, hæc sunt :
*Nonnullus & in illo labor, vt barbara & fera nomina, imprimis
 regis ipsius (Decebal) Græcis versibus non resultent. Sed nihil
 est quod non arte curaue, si non potest vinci, mitigetur. Præter-
 ea, si datur Homero & mollia vocabula & Græca ad lenitatem
 versus contrahere, extendere, inflectere ; cur tibi similis auden-
 tia, præsertim non delicata, sed necessaria, negetur ? Sed de his
 mihi iam non lis est.*

Cæterum Asiaticam Sarmatiam alteram, alteram Eu-
 ropæam vocitatam, adeò notum est & peruulgatum apud
 omnes, vt hac de re ne quidem amplius inquirendum sit.
 De vero autem Europæ atque Asiæ, qui & Sarmatas vtros-
 que distinxit, termino, de quo tam variæ veterum extant
 opiniones ac sententiæ, magno studio Phil. Cluuerius, æ-
 ternum Gedani sui decus, lib. I. Germ. Antiquæ cap. I.
 postquam differuit, & auctorum idoneos cum explorata
 longitudine locorum ac distantia composuit, hos tandem
 limites illis (nam verba ipsius adscribere non piget) con-
 stituit : *Verum nunc, ait, certumque terminum (Asiæ & Eu-
 ropæ) vti habeas, statue, post mare Ægeum, Propontidem, atque
 Pontum Euxinum, paludemque Maotin, primum Tanais fluentem,
 donec*

donec aduerso amne ad flexum eius, opidumque Tuia peruenias ; qua Volga fluminis dextra ripa appropinquat. Inde transuersum iugum, quod, inter utrumque flumen ex Septemtrionibus in meridiem protensum, vulgari vocabulo dicitur Perowlok. à Volga lena ripa Rhythnicos montes, ad opida Weliki Tumen & Lepin, proximamque Obij fluminis ripam. Hinc ipsum flumen Obium, ad Oceanum usque, & promontorium Lytarmin. Atque hic tandem terminus terrarum situi, quem nunc satis cognitum habemus, quam maximè congruit : idemque veterum descriptioni quam proximè respondet. Omne quippe Sarmaticum litus, ipsaque tota Sarmatia, hoc limite Europa sua redduntur. Hoc etiam modo omnis Hyperboreorum, ultra Riphæos, siue Hyperboreos montes, regio in una consistit Europa ; uti veterum quidam voluere, teste Plinio : quibus terminus haud dubiè Europa Obius fuit amnis. Hoc item pacto Tanais Europa Asiaque erit ex parte limes. Hac denique ratione omnis Russia maior, quam alio nomine vocant Moscouiam, in una continetur Europa : cuius maiorem partem hætenus per dictam lineam, à Tanais fonte ad sinum Album ductam, in Asia, ex erronea Ptolemæi opinione, statuerunt nostri seculi Geographi. Hoc Catone si quis non est contentus, viri de his studiis præclarè meriti rationes potius expendat, quam à nobis alias exigat, qui & Aduersaria, hoc est, amœnitates saltem literarum & oblectamenta ingenij nunc damus, & culpam, si qua est, alienam præstare non debemus.

CAPVT III.

Varia Sarmatarum nomina & genera. Alani Sarmata. Chuni. Amaxobij Sarmata. Iazabata. Iaxamata. Iazyges Sarmata. Iornandis locus firmatus. Iazyges Metanasta.

sta. Mastor Iazyx. Pathissus fluius, Parthiscus, Tibiscus, Tissus, Tizza, Tizaha, Tyse. Hepidannus correctus. Limigantes Sarmata. Lupiones Sarmata. Roxolani Sarmata. Saconæ Sarmata. Tabula Itineraria emendata. Suani Sarmata. Vagi Sarmata. Venedi Sarmata.

S Armatarum vt diuersæ olim ex origine vltima sedes ; ita *una gens, aliquot populi, & aliquot nomina*, vt Melæ verbis vtar. Nos ex illis præter varios Europæ Sarmatiæ incolas quos Ptolemæus recenset, nonnulla passim aliàs quoque extantia, minus tamen curiosè, apponemus.

ALANI SARMATÆ. Marcianus Heracleotes : *τὸ τῶν Ἀλανῶν Σαρματῶν ἔθνος*. Atque hos circa Alanum montem & vicina illi loca coluisse, ac Borysthenis fontem illic exoriri idem auctor est. Itaque quieos in parte Lithuanix constituunt, errare minus videntur. Addit statim Marcianus : *τὴν δὲ περὶ τὸν Βορυσθένην χώραν παροικῶσι μετὰ τῆς Ἀλανῆς οἱ καλούμενοι χοανοί, οἱ ἐν τῇ Εὐρώπῃ*. Regionem verò ad Borysthenem iuxta Alanos habitant Choani vocati, qui in Europa. Hos Ptolomæi **CHVNOS** esse vix dubitem. De Alanis vero, qui *Alauni Scythæ* eidem Ptolemæo ; *ἀλάνες* Ἀλανοί, fortes Alani, Dionysio Periegetæ ; *ardentes*, Val. Flacco sunt, Ammian. Marcell. lib. XXXI. Ibi partiti per utramque mundi partem Alani (quorum gentes varias nunc recensere non refert) licet dirempti spatijs longis, per pagos, vt Nomades, vagantur immensos : qui tamen progressu ad unum concessere vocabulum, & summam omnes Alani cognominantur. A monte Alano dictos Eustathius ait ; quod & innuit Ammianus. Quam latè autem vnà cum alijs Alani Romanorum sese prouincijs, labantibus Imperij rebus, postea infuderint, & quo-

& quousque fines suos cum fortuna protulerint, vbiuis obuium est.

AMAXOBII SARMATÆ; chartæ Provincia-
li siue Tabulæ Itinerariæ Peutingeri; HAMAXOBII Pto-
lemæo, & inter Sarmatiæ gentes maximas. HAMAXO-
BITÆ Pomponio Mele, qui nominis rationem addit, &
sedem eorum designat: *Ab eis (Arimaspi) Essedones usque
ad Maotida. Huius flexum Buges amnis secat; Agathyrsi &
Sauromata ambiunt. Quia pro sedibus (malim adibus) plau-
stra habent, dicti Hamaxobitæ. Vbi Buges, qui & Plinio pars
Mæotidis dicitur, idem videtur qui Ptolemæo Byces; ac
Melæ quoque Codices quosdam Byces ac Byges legere Abr.
Ortelius innuit. Alij quoque passim de hoc Sarmatarum
genere, quæ non conquirō. Ab eius in plaustris viuendi
consuetudine Prouerbiū Scriptori grauissimo Tertul-
liano natum est, lib. I. aduersus Marcionem: *Sed nihil tam
barbarum ac triste apud Pontum, quam quod illic Marcion natus
est; Scythia tetrior, Hamaxobio instabilior, Massageta inhumana-
rior, Amazonia audacior.**

IAZABATÆ. Stephanus: *Ἰαζαβάται, ἔθνος ἐν τῇ
Μαίωτι, ὅς τε Σαυρομάτας φησὶν Ἐφῶρος.* Iazabata gens iuxta
Maotin, quos Sauromatas vocat Ephorus. Et hi sunt forsitan
IAXAMATÆ, quos ad eandem paludem in Sarmatia
Asiatica collocat Ptolemæus. Ammian. Marcellinus: *cir-
ca hac stagna vltima extimæque plures habitant gentes, sermo-
num institutorumque varietate dispariles: Iaxamata, & Meo-
ta & Iazyges, Roxolanique, & Alani, & Melanchlana, & cum
Gelonis Agathyrsi.*

IAZYGES SARMATÆ. Tacit. XII. Annal:
Eques e Sarmatis Iazygibus erat. Arrian. de exped. Alexan-

dri, lib. I. ἀντελευταίους, Κουαίδους καὶ Μαρκομάνους. Ἡ δὲ Σαυρο-
ματῶν μοῖρα, ἡ ἄλυσος. *Harum nationum extremi sunt Quadi
& Marcomanni, deinde Iazyges, Sauromatarum pars. Inter
Istrum & Borysthenem eos ponit Strabo lib. VII. Idem ex
Ouidio patet lib. I. de Ponto, Eleg. III.*

Non vacat, in qua sint positi regione Tomite,

Quarere, finitimo vix loca nota Geta:

Aut quid Sauromata faciant, quid Iazyges acres.

Falso autem apud Iornandem de rebus Geticis ante edi-
tum erat: *Ab oriente Roxolani, ab occasu Tamazites, à septen-
trione Sarmata & Bastarna, à meridie amnis Danubij fluentia ter-
minant. Tamazites à Roxolanis alueo tantum fluuij segregan-
tur. Vbi MS. liber, cuius copiam Clarissimi Puteani Fra-
tres, lucida doctrinæ sidera, mihi Lutetiæ fecerunt: Ab
occasu Iazyges, à septentrione Sarmata & Bastarna, à meridie a-
mnis Danubij terminant. Nam Aziges ab Arasolani saluta tan-
tum fluuia segregantur. Neque diuersum hinc abit liber
Rhedigerianus, notæ non pessimæ. Vnde, Nam Iazyges
ab Aroxalanis Aluta tantum fluuio segregantur; legendum es-
se, ex Palatinis etiam Codicibus obseruat Gruterus. Ita-
que Tamazites populos ex Ortelij Thesauro &, qui eum ex-
scribere solent, Manuciorum fratrum de Transsiluania
libello, audacter tolle. Cum verò Coloniam Iazyges mu-
tassent, ijsque sibi in locis quæ Danubio ac Tibisco flu-
uijs, & Sarmaticis montibus Germaniam versus includun-
tur, vt ex Ptolemæo videre est, sedes quæsiuissent, Iazyges
Metanastæ, hoc est, Vagi ac Migratores dicti sunt. Glossa-
rium vetus: Μετανάστευω, Demigro. Μετανάστης, Transfuga,
Migrator. Ex hac gente porrò, vt ex Dione Cassio disci-
mus, Mastor ille fuit, Adriano à venationibus, à quo, vlti-
mo vi-*

mo vitæ tœdio affectus, gladio se transfigi voluit Imperator, Mastore tamen fugiente. Quorum verò regionem Iazyges occupauerint, Plin. lib. IV. cap. XII. docet: Superiora autem inter Danubium & Hercynium saltum, usque ad Pannonica hiberna Carnunti, Germanorumque ibi consinium, campos & plana Iazyges Sarmata; montes verò & saltus, pulsæ ab his, Daci ad Pathissum amnem, à Maro, siue is Duria est, à Suenis regnoque Vanniano dirimens eos. Pathissus amnis, Parthiscus Ammiano Marcellino lib. XVII. est, Ptolemæo alijscue Tibiscus. Tisum (ad hodiernum nominis flexum, die = Teyße) Theophilactus Simocata, Tizam Constantinus Porphyrogenneta, Tizan auctor Annalium Francicorum, Cunradus à Lichtenau Tizaham vocant. Tanhuserus, quem Marq. Freherus ad Aufonij Mosellam citat:

So flusset dur der Vngerlant

Der Wag vnd ouch diu Tyse.

Brage by der Woltach lit,

Als Wiene an der Tuonouue.

Hinc emendandus est Hepidannus S. Galli Cœnobita ad Ann. M. XXXVI. Annalium: Imperator verò Vngariam inuasit, eamque citima parte circa Tiscam fluium deuastauit. Nam Fiscam exhibet editio V. Ampl. Melchioris Goldasti, amici mei.

LIMIGANTES SARMATÆ. Ijdem qui Iazyges. Ammian. lib. XVII. His, ut narratum est, secundo finitis euentu, ad Limigantes Sarmatas seruos ocus signa transferri utilitas publica flagitabat. Et statim: Locorum consisi praesidio, ubi lares, post exactos inde dominos, fixere securi. Has enim terras Parthiscus irruens obliquatis meatibus Istro miscetur. Dominos à Limigantibus exactos Arcaragantas vocat Eu-

sebius Pamphilus ad Ann. M M CCCL : *Sarmatæ Limigantes dominos suos, qui nunc Arcaragantes vocantur, facta manu in Romanum solum expulerunt.* Prolixius de iisdem Limigantibus agit idem Marcellin. lib. XIX. ubi quendam illorum, Imp. Constantio in suggestu lenissimum ad eos sermonem parante, calceo in tribunal contorto, *marrha, marrha*, quod signum apud eos bellicum esset, exclamasse indicat.

LVPIONES SARMATÆ. Hos sola exhibet Tabula Peutingeri ; ubi Venedis, de quibus mox, proximè adscribuntur. Vnde nullos esse alios existimat Phil. Cluuerius lib. III. Germ. cap. IV quam qui hodieque Finnis contermini, Russis *Loppi* ; Suedis, Danis ac Noruagijs *Lapper* ; cæteris Germanis *Lappen* dicuntur : cum nunc adhuc genus eorum è Sarmatis, id est, Slauis atque Germanis mistum sit. Sed quia Tabula illa, insignis aliàs Antiquitatis monumentum, haud rarò corrupta est, vocabulum LVPIONES satis integrum esse, asseuerare vix ausim.

ROXOLANI SARMATÆ ; Tabula Itinera-
ria. Ptolemæus etiam maximis Sarmatæ populis inserit. Tacit. I. Hist : *Eò audentius Rhoxolani, Sarmatica gens, prior hieme cæsis duabus cohortibus, magna spe ad Mæsiam irruerant.* Inscriptio vetus :

REGIBVS. BASTARNARVM. ET
RHOXOLANORVM. FILIOS. DACORVM. FRATRVM
CAPTOS. AVT. HOSTIBVS. EREPTOS. REMISIT.

Cis Tanaim & propè Borysthenem eos collocare videtur Tabula ; neque diuersus abit Ammian. lib. XXII. Itaque Russos nostros inde nomen trahere vero non absimile est.

SASONÆ SARMATÆ. Tab. Itinera-
ria. *Sa-
sones*

iones inter Scythiæ Asiaticæ populos recenset Ptolemæus; quos in Germaniam olim sese penetrasse, & Saxones illic dictos, eorum qui libenter ex alto omnia repetunt commentum est. *Saxona* verò Tabulæ qui sint, nescio: puto tamen *Sacona* legendum, qui apud Ptolemæum inter Sarmatas Asiaticos reperiuntur.

SVANI SARMATÆ; Tab. Itineraria. Ptolemæus in Sarmatia Asiatica: Καὶ μεταξὺ μὲν τῶν Ἰππων ὄρεων καὶ τῶν Κεραυνίων ὄρεων, ΣΟΤΑΝΟΙ. Et inter Hippicos montes & Ceraunios SVANI. Ac his quidem *Saconas* conterminos facit: ut *Saxonas* Tabula, Quare *Saconas*, ut iam monui, & illuc reponi debere, minus dubitandum est.

VAGI SARMATÆ, Tab. Itineraria. Et eisdem intelligit, qui Græcis *Metanasta*, de quibus supra. *Vagi* verò dicti sunt, quod relictis sedibus pristinis ad Tibiscum fluuium & Daciæ fines Germaniam versus ac Pannoniam confederunt. De his intelligendus est Geographus Græcus, Constantii & Constantis IMPP. æui scriptor, à V. C. Iac. Gothofredo editus: Ἡ προσκειμένη πέρα ποταμὸν Δαννέσιον, ἔστι τῶν βαρβάρων Σαρματῶν ἐστ. Qua adiacet trans flumen Danuvium, gens barbarorum Sarmatum est.

VENEDI SARMATÆ. Ita in Tabula Provinciali, quæ *Venadi* exhibet, legendum. Plin. lib. IV. cap. XIII: Quidam hac habitari ad Vistulam usque fluuium, à Sarmatis *Venedis*, Scyris, Hiris, tradunt. Ptolemæus: Κατέχουσι δὲ τὴν Σαρματίαν ἔθνη μέγιστα. Οἵ τε Οὐενέδαι, παρ' ὅλον τὸν Οὐενεδικὸν κόλπον. Incolunt Sarmatiam gentes maxima. *Veneda*, per totum *Venedicum sinum*. *Henetos* vocat Scylax Caryandæus Auctor antiquissimus. Germanis eos adscribat an Sarmatis, dubitat Tacitus. Sed argumentis in vtramque partem ad-

ductis, Venedorum gentem omninò Sarmaticam esse, accuratissimè lib. III. Germ. cap. XLIV. ostendit dict⁹ aliquoties ac dicendus Cluuerius. Accoluisse autem per Livoniam Prussiamque & sinus Codani litrus, tum Plinij ac Ptolemæi auctoritate adductus tum ideò asserit, quod Venedorum nomē etiam nunc in Liuonia pluribus locis durat; cum & opidum in medio eius sit ad Treideram flumē vulgari vocabulo *Wenden*, & in ea parte, quæ Curia dicitur, amnis cum opido *Windavv*, & alius ad eundem amnem locus *Vschevvende*.

Hæc de gentibus ijs, quibus Sarmatarum nomen apertius adiectum est.

CAP. IV.

Daci & Geta diuersa à Sarmatis gens: Illi Thraces; Sarmiz Dacica metropolis non Sarmatica: Vetus Inscriptio emendata.

Afferuimus nomina Sarmatica: & domesticis honoribus adeò inuicta gens fulget, vt laudis alienæ non sit indiga. Sunt tamen, qui Dacos eandem cum illis gentem faciunt & Getas; maiori adhuc errore, quam illi, inter quos magni viri, qui Gothos & Getas, ducti tum nominum affinitate, tum migratione Gothorum in Daciam, (nam & Daci Getæ sunt) vt plurimum confundunt. Cum istis post aliorum etiam industriam in Daciæ antiquæ libris, nisi vis maior intercedet, fusius mihi res erit: illorum argumenta paucis inspiciemus. Sarmatis & Getis vnā fuisse & eandem linguam aiunt, auctore ingeniosissimo Poëtarum, lib. IV. Trist. El. XIII.

Ipse mihi videor iam dedidicisse Latine;

Nam didici Geticè Sarmaticèque loqui.

Sed

Sed qui se duas linguas refert didicisse, plus quam vnam didicit : neque se Ibericum sermonem hodiernum & Hispanicum quasi diuersos, aut Francicum & Gallicum tenere seriò nostrum aliquis dixerit. Contermini tamen Sarmatarum *Daci & Rhoxolanorum Fratres*, vt Inscriptio Tiburtina loquitur, fuerunt. At neque eosdem facit vicinitas ; neque vnus gentis sunt qui Fratres dicuntur. He duos Fratres Consanguineosque Senatus, Batauos Amicos & Fratres Pop. Romani, & talia, quis nescit ? Iam Thraciæ gentem fuisse Getas, cuius etiam leuiter tincto literis, ex Herodoto, Strabone, Dione Cassio & auctorum optimis, notum est. At hoc de Sarmatis nemo affirmauerit. Tandem quod Lazius in libris de Rep. Rom. colonias Sarmaticas in Daciam ex marmoribus vetustis adducit, aut fallor, aut valde illa corrupta sunt. Clausenburgi Transiluanorum hanc extare inscriptionem ait, quæ & in Opere Iani Gruteri, clarissimæ memoriæ viri & paternæ, dum viuebat, erga me affectionis, pag. CCCXIV. comparet :

P. FVRIO SATVRNINO
LEGATO AVGVSTALI
PRAEPOSITOQ. CONSVLARI
COLONIAE. DACIAE. SAR
MATICAE
L. D. D. D.

At quàm corrupta sit, altera illa eiusdem in Opere Augusto paginæ ex Sigleri schedis, ostendit ; quam ego, qui accuratè illam Albæ Iuliæ inspexi, ita excepi :

P. FVRIO
SATVRNINO
LEG. AVG. PR. P. PROCOS

COL.

MARTI OPITII
COL. DAC. SARMIZ
PRAESIDI
DIGNISSIMO

Si quid autem iudicare possum, idem hoc cum priori Epigramma est, & Claudiopoli, quæ Ptolemæo ac Tab. Itinerariæ *Napuca*, in *Coloniâ Apulensem*, (ea enim Alba Iulia est) vti accidere solet, translatum. *Sarmiz* verò Daciæ est metropolis illa, quæ Codici Iustiniani tit. de Censibus, Xiphilino ex Dione, Ptolemæo, Saxi, nummisque veteribus SARMIZÆGETHVSA, vel VLPIA. TRAIA. NA. AVGVSTA. DACICA. SARMIZ. Haud rarò autem Lazium exscriptorum incuria lusum fuisse, mihi extra controuersiam est. Insignem imprimis mendam ex alio etiam Daciæ marmore profert, in quo cum DAC. COLONIARVM, hoc est, *Dacicarum Coloniarum*, extiterat, DARCOLOMARVM legit, indeque nescio quos DARCOLOMAS, ab Ortelio in Thesaurum pariter Geographicum & Antiquæ Daciæ Tabulam, tanquam singularem quandam gentem, receptos, effinxit.

CAPVT V.

Inscriptiones quadam Veteres publicantur.

S Vstuli errata bellæ Inscriptionis: nunc paucas, & aliquarum fragmenta saltem, dabo. Priores sex, nondum, vt puto, editas communicauit mecum. Franconofurti ad Moenum haud ita diu Henricus van der Borch insignis pictor & Antiquitatis amantissimus. Septimam ex Schedis Nobilissimi Viri Abrahami Bibrani; Octauam & Nonam in munimento, quod vocant, veteri propè molem Drusi Moguntiacy excerpti: fragmenta reliqua-

VAR. LECT. LIBER. 17

quarum ex aduerso vrbi ad Mœni amnis ostium, vbi inter magnæ antiquitûs, vt videbatur, molis rudera nuper ef-
fodiebantur.

1. *Colonia Agrippina.*

C. DECCIUS. L. F.
PAPIRIA. TICINI
MILES. LEG. XX.
PEQVARIUS ANNOR.
XXXV. STIPENDIORV
XVI. HIC. S. EST

3. *Ibidem.*

M. SVLPICIUS
P. F. FAB. TRIB
MIL. LEG. XXII
ANNOR. XXXIII
STIP. XVII
H. S. E.

5. *Dusseldorpi.*

D O M
M. CARVS
LEGAT
AVGVST

7.

D M
CAECILII. MATVRI. 7.
FRVM. LEG. VII. GIM
QVI VIXIT. ANN. XXXVI
ME. VII. DIES. V. AEL.
COGITATA MATER
CAECILIUS DEXTER
ET ARTINIUS. FRATRES

C

ET

2. *Ibidem.*

A
ORINA
MATER SEVERINO
FILIO INCOM
PARABILI
VI VIXIT ANNO
VIII ET SIBI VI
FECIT

4. *Dusseldorpi.*

ATILIVS . . M.
PRIMICINIA MANCILIA AN M
M. METILIVS. P. F. MANCILIVS
VETERANVS. EX. LEG. XXII.
HIC SITI SVNT

6. *Wormatia in aula Episcopali.*

C. VIBIVS
C F VOLT
VIRILIO
EX LEG. XV
ANN XLV
STIP XX
H. S. P.

8.

D M
T. VLP IVLIANI
EX PRO

VIN.

ET. VAL. LVP.
VXOR. EREDES
EX TESTAMENTO
FECERVNT

9.
*Servus equum Eques.
freno tenens.*

D. M.

TITO. STATILIO. TAVRO
PRAEF. FABRORVM
PRAEF. COH. I. AVG. ITVRE
OR. ET. VI. THRACVM. TRIB
MIL. LEG. XXII. PR P. VIXIT
AN. XXXVI. STATILIVS. FOR
TVNATIVS. LIB. F

II IOMEIVNO

NI REGINE

CL QVART

IVS : : : :

EX VOTO P.

VO P. P. R.

: : : : EX

ICA. C.

V. S. L. L. M

VINCIA PONTO
BITHYNIA. DO
MI . . . TIO ER
VI FRATRES
AN. XXXV.
RYSOGON
LIB. F. C.

10.

Servus. Eques.
TOGITIO SO
JIMARI FIL: N

12

P. SOL : :
P. F. VOL: SV
AVIS V IANA
MIL. LEG. XXII.
PRIMAN
XXXVII. ST

13.

T. IAVENNIVS
C.F.: OL. PROC
VLVS. FAVENTIA
LEG XXII. PRI :
:: ANN. XLV. STIP

CAPVT V.

*Montes aliquot Sarmatie, Carpates. Mons Dacorum. Statij
locus expositus. Hypanis. Æthicus aliquosies correctus.
Hippolai promontorium. Rupes Sarmatica, Solitudi-
nes Sarmatarum, Scytharum.*

Qui

Quæ inscriptionis hoc genus, eiusque & modum & otiosum laborem norunt, apud eos non laudatus quidem (nam & laureolam in mustaceo non quaero) excusatus tamen hic libellus erit Inscriptione ipsa, quæ nihil serium, nihil exactum, nihil maioris operæ ac spiritus promittit. Velis, nolis; sacra hæc aliter non constant. Nunc montium nonnullos & saltus Sarmaticos aspiciemus, eminus quasi leuique oculo, & ut solent ad alia festinantes.

CARPATES MONS. Hunc Ptolemæus à Sarmaticis montibus distinguit, & iugum illud haud dubiè hic intelligit, quod *Krapak* hodie, & Germanis inter Tyræ ac Tibisci fontes *Kaltperg* dicitur, ac Transilvaniam & Hungariam superiorem à Polonia submouet. Rara eius apud alios auctores mentio: nam licet præcipui nominis vir Statij versu illo III. Siluar. in Lachrimis Hetrusci,

Quæque suum Dacis donat clementia montem,

& altero I. Thebaidos,

Et coniurato deiectos vertice Dacos,

Carpatem intelligi debere suspicetur, tamen Ptolemæus non eum Daciæ montem, sed limitem saltem facit, quo à Sarmatia distinguatur. Rectè aliàs I. Siluar. in Equo Domitiani, illud

— *domus ardua Daci,*

de regia Dacorum illi sumitur, cum superato ex Mæsiæ littore Danubio per iuga editissima & rupes signa sua Romani Daciæ intulerint; de qua re alibi locus mihi sepositus est.

HYPANIS. Inter montes recensetur ab Æthico. Vtrum itaque ad Hypanim flumen aut eius caput iugum aliquod sit, vnde montem suum auctor & fidei non usque

spectatæ, & æui culpa corruptus identidem, tueri possit, viderint qui locorum gnari sunt. Liber manuscriptus meus, HIPHANIM, exhibet: sed notæ melioris eum esse, non dico. Specimen tamen eorum, quibus ab editione vulgata differt, obiter hic addam. Statim in initio: *Subiugatum virtute sua orbem totum qua terra protenditur, proprio limite signauerunt.* Scriptura vetus: *subiugato virtute sua orbe, totum qua terra protenditur proprio limite signauerunt.* Et mox pro, *quam vicerant*, charta mea, *quâ vicerant.* De Oceano Orientali: *Mare Caspium* * Scripta lectio: *Mare Caspium minus.* Iterum: *Mare Asphaltites.* MS: *Mare Asphaltis.* Et: *Mare Myrtoum* * Liber vetus: *Mare mortuum.* De Oceani Orientalis montibus: *Caumestes.* Meus: *Caumnestes.* Et alia ad hanc faciem: idem puluis. Coeterum nomen Æthici non præfert; Cosmographiæ titulum saltem ostentat, additis verbis; *sine hoc libro prudentium esse neminem posse.*

HIPPOLAI PROMONTORIUM. Hippoleon habet Herodotus. At Dio Chrysostomus in Borysthenica: *Ὁν πάλιν ἀνοθεν τοῖς Ἱππολάει καὶ μυρῖνι ἀνέσται.* Non multum supra Hippolai cognominatum promontorium. Constituitur ab ambobus inter Hypanis amnis & Borysthenis ostia, ex aduerso vrbi Borystheni; ad lacum haud dubiè, qui albi nomine nunc signatur.

RVPESSARMATICÆ. Solinus cap. XX. edit. Salmas: *Extenditur (Germaniæ) inter Hercynium saltum & rupes Sarmatarum. Vbi incipit, Danubio; ubi desinit, Rheno perfunditur.* Iornandes de rebus Geticis: *Hæc à fronte posita est Vistule fluy, qui Sarmaticis montibus ortus.* Hinc intelligi potest, Sarmaticas rupes à lazygibus Sarmatis dictas esse,

esse, qui finitimam versus Occidentem Germaniam habuerunt, inter quam & ipsorum sedes iugum continuum à Vistulæ fonte versus Danubium per Vngariam superiorem procurrit. Non alij etiam sunt SARMATIGI Montes, quos in Germaniæ magnæ situ describunt Ptolemæus & Marcianus Heracleota.

SOLITVDINES SARMATARVM. Inter Sarmatas & Amaxobios reponit Tabula Itineraria. Sed ex metatoria hac charta, quæ ex Geographicis legibus nihil trahit, certa locorum interualla nequicquam sciscitamus. Quod verò eadem tabula inter Istri Sarmatiæ proximū ostium & aliud flumen, quo designari Tyran puto, SORS DESERTVS, exhibet, vocabulum illud SORS quidem corruptum est: potest tamen illa *Getarum solitudo* designari, de quo Strabo lib. VII: Μεταξὺ δὲ τῆς Ποντικῆς καὶ τῆς τῆς ἀπὸ τῆς Ἰστρίας Τύραν, καὶ τῶν Γετῶν ἐρημία πρὸς νεκρὰ πεδία = πᾶσα, καὶ ἀνυδροῦσα. Inter mare Ponticum ab Istro Tyran versus *Getarum incet solitudo*, campestris tota & aqua carens. Non verò trahendæ huc solitudines illæ *Scythia, Asiatica*, de quibus apud Q. Curtium lib. VII. *Scytharum solitudines Græcis etiam prouerbijs audio eludi.* Et extat hoc Adagium apud Mich. Apostolium ac in Appendice Prouerbiorum Vaticana, ex Aristophanis Acarnensibus depromptum, vt annotat V. C. & de omni antiquitate benemerentissimus A. Schottus.

CAPVT VI.

De Oceano Sarmatia & quibusdam fluminibus. Oceanus Sarmaticus priscis pro remotissimo. Amazones Sauromatides. Tanais duplex. Borysthenes. Eius fontes. Accela Borysthenis Alani. Borysthenes Adriani Imp. Equus.

quus. In eum Epigramma vetus; item in Catellam. Hypanis; idem Axiacus. Ille duplex. Sandaracha ad Hypanim; item Arsenicum. Dioscoridi lux. Lacus Salinarum. Vistula, Viscia; unde Vandalus hic amnis dictus. Tabula Peutingeri emendata. Eridanus. Apulus.

DE fluminibus Sarmatiæ satis illi, qui de ipsa: nos tamen, ne nihil agamus, ad pauca eorum vel cum Aufonij Theone littus arabimus, vel conchas legemus cum Claudio.

SARMATICVS OCEANVS. Apollonij Scholiastes: ὁ περὶ δὲ τῶν Σαρματικῶν ὁ Σαρματικὸς ἐστὶ καὶ Ἀρκτικὸς ὠκεανός. *Supra Sarmatas verò Sarmaticus est & Arcticus Oceanus.* Per hunc ingens ille tractus ab Asiæ confinio vsque ad mare Album inter Russiam Lappiamque, vt Cluuerius lib. III. Germ. cap. XXXVI. vult, intelligendus est. Nihil verò remotius vetustati videbatur. Iuuenal. Sat. II:

*Vltra Sauromatas fugere hinc libet, & glaciale
Oceanum.*

Vbi Interpres: *Sarmata* vltimi vltra Pontum sunt, vicini *Amazonum*, vnde *Sauromatides* appellantur; vt quidem V. Ampl. Ianus Rutgerfius lib. I. cap. IV. Var. Lect. legendum censet. Ejiciunt se in illum maximè **CHE SINVS**, *Lo-uvrat* Russis & post *Welchovv*; **TVRVNTVS**, vulgò *Welickarzeka* & *Nerua* lacum Czudzko transuectus; **RVBON**, *Dzvuvina* nostris; **CHRONVS**, nunc *Mæmel*; de quibus Ptolemæus.

Inter ea quæ in Mæotidem paludem sese exonerant flumina, præcipuæ notæ **TANAIS** amnis est, qui nomen pristinum quadamtenus adhuc retinet, **DON** dictus; ad quem antiqua Sarmatarum sedes. Mela: *Ripas Tanais Sauromata, & ripis hærentia possident. Amazonium quondam*

dictum esse, ait Auctor libri de Fluminibus, Plutarchus =
Chæronensis vulgò creditus. Diuersus ab hoc *Tanaïs* ter-
minus itinerum Alexandri, quem *Iaxarten* etiam, & à Scy-
this *Silin* vocatum Plinius auctor est, quique è Caucaſo In-
dico nascitur & in Caspium mare deuoluitur. Vnum
quidem fluuium Stephanus in *Τάναϊς* facit, qui *Acesinen* eum
insuper vult dici : sed illius pariter aliorumque hic erro-
res ostendit clarè ac refellit vir summus & eruditionem o-
mnem supergressus Claudius Salmasius, amicus noster, in
opere incomparabili Exercitationum Plinianarum.

BORYSTHENES. Marmori Tiburtino B O-
RVSTHENES, nunc *Dniepr*. Clari nominis semper
fuit, Europæ fluuiorum, si Danubium excipias, nulli se-
cundus. Ab eo civitas Borysthenitarum appellata fuit,
quamuis ad Hypanim sita. Dio Chrysostomus : ἡ γὰρ πόλις,
τὸ μὲν ὄνομα εἰληφέν ὁπὸ τῆς Βορυσθένης, διὰ τὸ καλὰ ὄψιν καὶ τὸ μέγεθος τῆς
ποταμοῦ. Κεῖται δὲ περὶ τῷ Ἰπτανίδι. Civitas enim nomen quidem
accepit à Borysthene, propter fluminis & pulchritudinem magni-
tudinemque : adiacet autem Hypanidi. De fonte illius Æthi-
cus : Fluvius Borystheneſ nascitur de monte Hyperboreo. Sed
in aperta planicie locisque palustribus eum ultra Smolen-
scium oriri & accolæ norunt, & triumphali nuper Glorio-
sissimi superque omnes retrò Principes Felicissimi Regis
nostri VLADISLAI IV. expeditione satis cognitū est.
Alanos propè illum habitasse, ex Marciani Heracl. cap. II.
notauimus. Hinc *Alanus* appellatus fuit equus Adriani,
cui Borystheni nomen, ob genituræ haud dubiè nobilita-
tem, fuisse Io. Xiphilinus ex Dione Cassio indicat. τῆς δὲ
πρὸς τὴν Ἰνένης ποταμὸν αὐτῆς καὶ ὁ Βορυσθένης ὁ ἰππὸς, ὃν μάλα καὶ θηρῶν
ἡρέσκετο, σημεῖον ἔστιν. αὐτὸν γὰρ αὐτῶ καὶ τὰ φόν κατεσκεύασε, καὶ
σὴλιν

ἐλάνευσσε, καὶ ἐπὶ γράμματι ἐπὶ γράφειν. *Magno autem argumēto est, cum studio venandi delectatū fuisse, quod Borystheni equo, quo libenter in venationibus utebatur, mortuo monumentū edificavit, erexitque columnam inscripto Epigrammate. Tale Epigramma à P. Pithæo inter vetera Poemata editum, lumina seculi Casaubonus, Salmasius, Barthius noster æternis operibus suis cum inseruerint, nos hic ad Borysthenis ipsius memoriam illud præterire non debuimus:*

<i>Borysthenes Alanus,</i>	<i>Ausus fuit nocere,</i>
<i>Casareus veredus,</i>	<i>Vel extimam salina</i>
<i>Per aquor & paludes</i>	<i>Sparsit ab ore candam,</i>
<i>Et tumulos Hetruscos,</i>	<i>Vt solet euenire:</i>
<i>Volare qui solebat,</i>	<i>Sed integer iuuenta</i>
<i>Pannonicos nec ullus</i>	<i>Inuolatus artus,</i>
<i>* apros insequentem</i>	<i>Die sua peremptus,</i>
<i>Dente aper albicanti</i>	<i>Hoc situs est in agro.</i>

Versu septimo, *Per agros insequentem*, legendum puto. Cæsarem verò ipsum Græcè, qui eius mos fuit, Epigramma, de quo Dio, scripsisse, & hanc translationem sequioris æui esse, autumat Barthius nobilissimus. Ego, rationem sermonis ad genium temporum expendere semper solitus, ut acerrimo amici maximi iudicio prorsus accedo: ita alterum cum hoc simul editum in Catellam (nam & canibus sepulchra constituisse Adrianum Spartianus narrat) molissimum illud longè ac suauissimum, ad ætatem doctissimi Imperatoris libenter retulerim.

Quod patui, posui tibi, fida Catella, sepulchrum.

Digna magis cæli munere, quàm tumuli.

Candenti ex lapide hac tibi conuenit urna; fuisse

Candida tota fide, candida tota pilo.

Si cæ-

*Si cælum, ut quondam, canibus patet haud tua terras
Incendet, sed ver stella perenne dabit.*

HYPANIS; idem nonnullis qui AXIACVS, (& corrigenda hic forte Tabula Peutingeri, quæ Nusiacus exhibet) nostris BOH appellatur; alius ab *Hypani* Ptolemæi, quem Mæotiden amnem versus collocat. Hunc enim Borystheni vicinū Herodotus alijque, tum Dio Chrysostomus, qui loca illa perreptaui, ipse facit. Borystheni verò Hypanim misceri quamuis Herodotus tradat, & qui cum illo consentiunt, aliud tamen cum experientia, tum Dio, nisi fallor, apertè docet, qui de ambobus his fluminibus ita: ἐκδιδούτι δὲ οἱ ποταμοὶ εἰς τὴν ἑλᾶσαν, παρὰ Φερέιον Ἀλέκτορος, ὃ λέγεται τῆς γυναικὸς εἶναι τῆς Σαυροματῶν βασιλέως. *Effundunt se autem flumina in mare iuxta propugnaculum Aleëtoris, quod dicitur esse uxoris Sauromatarum regis.* Hypanim quem intelligat Vitrūvius (puto autem nostrum) lib. VII. cap. VII. illi melius deprehendent, quibus genius soli cognitus est. Verba eius hæc sunt: *Auripigmentum, quod αἰσένικον Græcè dicitur, foditur Ponto. Sandaracha item pluribus locis, sed optima Ponto: proximè flumen Hypanim habet metallum.* Et hunc ad Hypanim locum designare Dioscorides etiam lib. V. videtur, qui Arsenicum, quod ijs metallis quibus Sandaracha gignitur, glebosum & Sandarachæ simile è Ponto & Cappadocia deferri scribit.

VISTVLA. Nobilissimum flumen, de quo passim Auctores. Solinus ca. XX: *De internis eius partibus Albis, Guthalus, Vistula, amnes latissimi, precipitant in Oceanum.* Libros *Viscla* exhibere Salmasius annotat. Et sic Iornandi etiam alicubi nominatur. Vandulo autem illi Vandam. Gracchi filiam in eo submersam nomen dedisse, ut sunt

qui produnt: ita à Vandulis potius seu Wandulis, qui Germanico eius lateri accoluerunt, appellatum esse, credibilis videtur. VANDVLOS etiam hic Tabula Itinerraria habet. Inter hos & Sarmatas Vagos, vt simul emendem locum satis corruptum, sic scriptum est:

QLuVa T dVGil. DVR

At *Quadi, Latringes, Buri* legendum, vix dubito. Iul. Capitolin. in M. Anton: *Gentes omnes ab Illyrici limite vsque Galliam conspirauerant, vt Marcomanni, Nariſci, Hermunduri, & Quadi, Sueui, Sarmatae, Latringes & Buri.*

Cœterum quod Herodotus lib. III. ERIDANVM mare ad Septentrionem spectans subeuntem producit, vnde Electrum venire dicatur, haud malè quidem, si de loco rationem ineamus, VISTVLAM pro ERIDANO ab antiquissimis habitum viri eruditi contendunt. Sed limpidissimum amnem, qui XXV. circiter millibus passuum, supra Gedanum urbem inter Carthusianorum Fratrum & Sucouienſe monasteria è lacu nascitur, & sub Gedani, quod interfuit, mœnibus Vistulæ sese miscet, vulgari vocabulo *die Rodaune*, & variantibus dialectis *die Raddaune, de Raddune*, & *de Reddune* dicitur, Eridanum esse de quo Herodotus, multis probare argumentis nititur Phil. Cluuerius, quæ non exscribo. Iudicent eruditi. Mihi, amnem tam exiguum ad notitiam, quamuis obscuram, exterorum peruenire olim potuisse, minus mirum videtur, qui *Apulum* Daciæ, nunc *Ompay* Hungaris, *Ampul* Walachis, etsi minorem ferè hoc nostro Eridano, APVLENSI tamen COLONIÆ, licet Orientale illius latus fluuius ingens Marisus aluat, nomen dedisse, ac veteribus non indictum fuisse, noui. Hic siquidem est de quo siue Peto siue Ouidius Elegia de morte Drusi Neronis:

Danu.

Danubiusque rapax, & Dacius orbe remoto

Appulus.

Lego *rapax*, cum vulgò *capax* editum sit; ex simili Ouidij versu, qui, ipsius Elegiam hanc esse, rationibus alijs addendus est:

Partheniusque rapax, & voluens saxa Cynapes

Labitur.

Siue itaque verè *Eridanum* Cluuerius dignitati domesticæ adstruit, commendandus ob iudicium; siue amore patriæ aberrat, ob pietatem laudandus est.

CAP. VII.

Auieni ora maritima plerisque locis restituta.

EXcurreram ad Oceani Germanici littus antehac, instructus comitibus viuis, in quibus me oblectarem, ferè nullis; mortuis, admodum paucis. Inter hos Poëmata vetera, quorum collectionem V.C. Petro Pithæo debemus, ad manus erant, quibus tœdium viæ ac hospitiorum, homo quidem non delicatus neque vmbrae assuetus, leuare conabar. Cepit me imprimis Rufi Festi Auieni de Ora maritima insignis liber, in quo rara sermonis & ad Græcam elegantiam accedens venustas, multaque ex perditis Auctoribus, alibi non legenda. Aliud equidem fatum, quàm vt tam mancus & mutilus circumferretur, planè meritis est. Eius margini haud pauca tum appinxe-ram, quæ libris nunc mihiq; tandem redditus congruere cum illis ipsis nonnunquam emendationibus, quibus vir omnibus meritis illustris C. Barthius operi huic medicinam attulit, postquam diebus superioribus animaduerti, voluptate quæ ex his literis percipitur affectus sum blan-

diffima. Proponam correctionum mearum partem. Rectè verò editur hoc Carmen post Orbis Periegesin ex Dionysij Græco in Latinum sermonem ab Auieno versam: nam & post illam confectum fuit. Indicat Auienus:

— *reliqua porrò scripta sunt*

Nobis in illo plenius volumine

Quod de Orbis oris partibusque fecimus.

Sed videamus commentarium ipsum:

— *ni sciam te literas*

Hiantibusque faucibus vestarum abdita

Hausisse semper.

— *Lego: Vesta abdita*; id est, literas secretiores ac vulgò parum notas. *Vesta penetrabilia*, & *Adagium* apud Zenobium, *Vesta sacrificare*, vulgata sunt.

Quin & parent credidi officium fore,

Fortè scribendum:

Quin, ut parentis, credidi officium fore.

— *Sanguinis vinculo Probum sibi iunctum iam dixit.*

— *procul sitam*

In usque glebam proruit nostrum mare.

— *Malo: proluit. Columella: Impetus aquarum proluit terram.*

Narrationem opusculi paullo altius

Exordiemur. tu ex intimum iecur

Prolata conde.

Lego: — tu hac in intimum iecur Prolata conde.

Porrò. Hic sunt columna pertinacis Herculis.

Sic postea:

Usque in columnas efficacis Herculis.

Quæ epitheta versui Iambico melius stabiliendo Auienum adhibuisse non difficulter olfaciunt, quibus Poëticum nomen habere datum est.

Hæc

Hæc inter undas multum cespitem facit.

Non turbat Auienus Iamborum sedem. Itaque lege:

Hæc inter undas cespitem multum facit.

Porrò: *Tartesijsque in terminos Oestrurnidum*

Nagottiandi mos erat. Carthaginis

Etiam colonis, & vulgus inter Herculis

Agitans columnas, hæc adibant aquora.

Repono facili negotio, & distinguo:

Tartesijsque in terminos Pestrumnidum

Negotiandi mos erat: Carthaginis

Etiam coloni, & vulgus inter Herculis

Agitans columnas, hæc adibant aquora.

Statim: *Sic segnis humor aquoris pigri stupet.*

Infra — — — *Pelagus inclusum stupet.*

Versu sequenti:

Adicit & illud. — —

Lego: *Adicit & illud. — —* Ita Martialis:

Nil adicit penso Lachesis, fusoque sororum.

Sequitur aliquantò inferius:

Post illa rursum quæ super fati sumus.

Nihil facilius: — — — *quæ supra fati sumus.*

Et mox: *Ophiussa madus, quæ rursum ab huius littore.*

Lego: *Ophiussam adusque, rursum ab huius littore.*

Eadem serie: — — — *cursus aut hinc classibus.*

Corrigo: — — — *cursus autem hinc classibus.*

Porrò: — — — *agresti fides*

Narrationis præ rei miraculo.

Scribendum, ut Nobilissimus Barthius mecum iudicat:

ægra est fides.

Paullò post: *Patanion autem est insula ad se fumum latet.*

Scribo: *Patanion autem est insula ad Zephyrum patens.*
Sic enim paullò inferius:

Canusque cespes in meridiem patet.

Versu altero: *Populi Cynetum * Cyneticum iugum*
Qua sideralis lucis inclinatio est.

Lego: *Populi Cynetum, tum Cyneticum iugum.*
Sideralis lux Sol est; & Cynetas fermè extremos ad occa-
sum Solis esse narrat Herodotus lib. IV. Sed iam nos quo-
que vltra Solis vias non progrediemur:
Cras ingens iterabimus aequor.

CAPVT VIII.

Aniti Allocutio Sponsalis emendata & illustrata. Vetus In-
scriptio correctæ.

CEntum Poëtas Græcos Latinosque Gallieni filijs Epithalamia dixisse, interque omnes Imperatoris ipsius præcipuum iudicatum fuisse, Trebellius Pollio narrat. Sunt sanè illi versus suaues, delicati, elegantes. Eiusmodi Allocutio etiam est illa, quam in eruditissimis ad Trebellium Notis ex vetusto Codice profert Cl. Salmasius, dignam quæ & hic exhibeatur, & à notabili menda liberetur.

ANITI ALLOCVTIO SPONSALIS.

Linea constricto de pectore vincula solue,
Et domino te crede tuo: nec candida ladas
In quibus ora vide, vel ne contacta repugnes.
Est in nocte timor, non est in nocte periculum.
Nec volo contendas: vinctes cum vicerit ille.

Aniti scriptum est pro Aniti: ob cognatam eo xuo harum
lite.

literarum pronunciationem. Ita Aurelianus Imp. de Bonaso apud Fl. Vopiscum: *Non ut uiuat natus est, sed ut bibat.*
Vetus Inscriptio pag. iocxcii. magni Operis :

M. Q. AVITVS. D. C. F.

ET

OCIATA AVITA

IVSTO FIL. OBITO

Vbi IVSTO. FIL. ABITO scribendum, non ambigo.

Auitus verò hic quis fuerit, nemo facile dixerit. Quia tamen hoc ipsum Epithalamium inter centum illa extitisse credibile est, de quibus Trebellius; coniecturam facere licet, Gallonium Auitum, qui Legatus Thraciarum postea fuit regnante Aureliano, fortassis auctorem esse. Admodum enim liberi hi versus sunt; neque scripti nisi à domui Augustæ familiari.

— — *nec candida ladas*

In quibus ora vide.

Omniò scribendum, *Vnguibus*. Sic *ludere oscula* Horatius dixit lib. I. Od. XIII. De *unguibus* idem lib. eod. Od. VI:

Nos conuiuia, nos praelia virginum

Seclis in iuuenes unguibus acrium

Cantamus — —

Claudianus planè vt Auitus, Epithal. Palladij & Serenæ:

— — *concede marito*

Tu quoque, nec Scythicas infensis unguibus iras =

Exercere velis. — —

vel ne contacta repugnes

Catullus :

At tu ne pugna cum tali coniuge virgo;

Non aequum est pugnare, — —

Sarmatis plaustra pro domibus. Tertullianus emendatus. Plaustrorum descriptio. Sarmatarum diuersa instituta: Potus lac; equinum praesertim. Inter cibos milium. Mira comedendi ratio.

VT Sarmatas Scytharum nomine, Scythas Sarmatarum saepe dictos antiquissimis temporibus fuisse, per se notum est, ego hoc etiam libro monui: ita ex ijs quæ de vitæ ratione alijsque rebus vniuersè Scythis ab auctoribus adscribuntur, quid ad Sarmatas speciatim referre debeamus, satis interdum vix apparet. Ego ea saluatim paucisque huc congeram, quæ ipsis aut expressè, aut ita tribuuntur, vt sub Scytharum nomine Sarmatas intelligi debere dubitandum non sit.

Sarmatis olim tentoria, currus, plaustra ædium loco fuisse, immò domos in plaustris, non vnus tantum auctor prodit. Tacitus de moribus German: *Hi tamen* (Peucini & Fenni) *inter Germanos potius referuntur; quia & domos fingunt, & scuta gestant, & pedum vsu ac pernicitate gaudent; quæ omnia diuersa Sarmatis sunt, in plaustro equoque viuentibus.* Itaque *Hamaxobitas* dictos cap. III. annotauimus. Id de Scythis cum alij dicunt, tum Horatius lib. III. od. XXIV.

Campestres melius Scythæ,

Quorum plaustra vagas ritè trahunt domos.

Vbi Acron: *Scythæ campestres dicti, eo quod in campis, sine tectis, sub tentorijs viuunt, quæ carpentis mouentur; vt Sallustius: In quibus plaustra sedes sunt.* Integrius Sallustiana verba citat Porphyrio: *Scythæ Nomades tenent, quibus plaustra sedes sunt.* Respicit huc etiam Tertullianus lib. de Præscript. adu.

adu. Hæreticos: *Plerique nec Ecclesias habent sine matre, sine sede, orba fide, extorres, quasi sibi, latè vagantur.* Nic. Rigaltius, optimus super alia merita scriptoris maximi subuentor, ex vet. cod: *orbi fide, extorres, sine lare vagantur.* Sed concinnandus hic locus ex vtriusque editionis lectione, manuscriptis melioribus nixa, sic planè videtur: *quasi Scythæ sine lare vagantur.*

De Sarmaticis verò plaustris Ouid. III. Trist. Eleg. X:

Perque novos pontes, subter labentibus undis,

Ducunt Sarmatici barbara plaustra bones.

Et Eleg. XII:

Nec mare concreuit glacie, nec, ut ante, per Istrum

Stridula Sauromates plaustra bubulcus agit.

Plaustrorum eiusmodi Scythicorum minimos quatuor rotis, reliquos sex circumactos ex Hippocratis lib. *περὶ αἰσάνων*, *ἢ δὲ τῶν, τῶν τῶν*, discimus.

De iisdem plaustris Iustinus ex Trogo, lib. II. cap. II: *Vxores liberosque secum in plaustris vehunt; quibus corijs imbrium hyemisque causa tectis, pro domibus utuntur.* Pro corijs legendum corticibus CL. optimusque vir Matth. Berneggerus putat: Et Amm. Marcellinus quidem *Alanos* ait *vagari supersidentes plaustris, quæ operimentis curuatis corticum per solitudines conserunt.*

De victu ratione apud Strabonem lib. VII. Ephorus; Cum aliorum Scytharum, tum Sauromatarum non vnum esse vitæ institutum; quosdam enim eò immanitatis progredi, ut humanis vescantur carnibus: contra alios ab alijs etiam animantibus abstinere. Et quid de Vagis seu Nomadibus Scythis, iustitia omnibus mortalium superioribus, quique equino lacte vescantur, Ephorus ille scripserit, ha-

hes fufius apud eundem Strabonem. *Galactophagos* autem
 feu lacte *vescentes* etiã Sarmatas dictos, videmus apud Ety-
 mologum in Γαλατοφάγοι. Respicit eò Plinius lib. XI. cap.
 XLI: *Mirum, barbaras gentes quæ lacte viuunt, ignorare aut
 spernere tot seculis casei dotem, densantes id alioquin in acorem in-
 cundum & pingue butyrum. Spuma id est lactis, concretiusque
 quam quod serum vocatur. At Nicolai Damasceni eximius
 de hac gente locus est apud Stobæum, ubi & casei vsum i-
 psi fuisse asserit: Γαλατοφάγοι, Σκυθικὸν ἔθνος, ὧσι καὶ εἰσιν, ὧσιν
 καὶ οἱ Ἀλεῖται Σκυθῶν. Τροφὴν δ' ἔχουσι γάλα μόνον πιον, ἐξ οὗ τυγα-
 ποιοῦντες, ἐσθίουσι καὶ πίνουσι. Καὶ εἰσι διὰ τὸ δυσβαλῶταται, σὺν αὐ-
 τοῖς πάντῃ τὴν τροφὴν ἔχοντες. Galactophagi, gens Scythica in edi-
 bus non degunt, ut & plerique alij Scytharum. Victus eis solo e-
 quarum lacte constat, unde caseos conficiunt, atque eo tum potu-
 tum cibo vtuntur. Itaque non facile bello superantur, quod com-
 meatus ubique ipsis præsto sit. De lacte equino Martial. lib.
 Spectacul. Epigr. III:*

Venit & epoto Sarmata passus equo.

Vide & Antiphanem apud Athenæum lib. VI. Deipno-
 soph. qui Scythas statim natis infantibus equorum boum-
 que lac præbentes, multò alijs, quorum liberi educationis
 mollicie corrumpuntur, sapientiores esse prædicat & fe-
 liciores.

Inter cibos Sarmatis milium. *Ælian. Variar. lib. III.
 cap. XXXIX: Τιβὺνθιοι δὲ αἰγυρῶδας δεῖπνον εἶχον, Ἴνδοι καλὰ μούρα,
 Καρχηνοὶ φοίνικας, κέρυχρον δὲ Μαλιῶται καὶ Σαρδομάται. Tyrinthij
 verò siluestria poma comederunt, Indi arundines, Carmani pal-
 mas, milium Meotæ & Sarmatæ. Miram verò comedendi
 rationem Agellius lib. IX. cap. IV. ex voluminibus Græ-
 corum quos recenset vetustiorum adducit: Item esse com-
 pertum*

VAR. LECT. LIBER. 35

pertum & creditum, Sauromatas, qui ultra Borysthenem fluuium longè colunt, cibum capere semper diebus tertijs, medio abstinere. Contraria Nic. Damascenus omnia : Σαυρομάται Δε τριῶν ἡμερῶν σιτοῦνται εἰς πλεῖστον. Sauromata tribus diebus cibo ad repletionem usque ingurgitant.

De agricultura Scytharum Getarumque Horatius lib. III. Od. XXIV:

*Immetata quibus ingera liberas
Fruges, & Cererem ferunt.*

Et de aratro Sarmatico Lucanus lib. VII:

Sarmaticumque premat succinctus Consul aratrum.

CAPVT X.

Mars Scythicarum gentium Deus. Ensis ab ijs cultus. Sauromatae Dijs suis equos immolabant. Scytharum leges. Sarmaticarum puellarum coniugia.

Mars Scythicarum gentium, inter quas Sarmatae, communis Deus. Ex Herodoto Mela lib. II. cap. I. de Scythia Europæa, ubi & Sauromatarum meminuit: *Mars omnium Deus. Ei pro simulachris enses & tintoria (ita Salmasius locum emendat) dedicant, hominesque pro victimis ferunt.* Solinus de Neuris Borysthenis accolis: *Populis istis deus Mars est: pro simulachris enses colunt.* Sed de Neuris Solis dicit, quod de Scythiis omnibus dicendum erat. De acinace etiam Arnobius lib. VI. adu. Gentes: *Ri-*
detis temporibus priscis Persas fluuium coluisse, memoralia ut indicant scripta. informem Arabas lapidem, acinacem Scythia nationes. Sarmatas dijs patrijs equos immolasse, Pausanias lib. I. auctor est. *Zirim* verò sacrum illis nomen fuisse, Lucianus recenset in *Toxari*; quamuis eo vocabulo quid sibi

vouerint, non declaret : καὶ οἱ μὲν Σαυρομαῖται, διημέμενοι τὰς ἀ-
κοντας, ὤρμησαν ἐπ' αὐτὸν, ὡς κατακεντήσοντες, ὁ δὲ, ἐβόα τὸν Ζέραν. Τῷ
ᾧ τὸ πρῶτον εἶπεν, ἐκέλευον ἐνέουσι αὐτὸν. αἱ δὲ δέχοντες, ὡς ἐπὶ λυττοῖς ἤκοντα.
*Tum Sauromata densatis telis irruerunt in ipsum, iam confixuri
nisi succlamasset Zirim. Quod ubi quis dixerit, eum non occi-*

dunt : sed tanquam cum redemptionis pretio venientem accipiunt.
Suis porro legibus has gentes vixisse, dubitandum
non est. Philo lib. II. de vita Mosis : αἱ δὲ κατὰ τὴν βαρβα-
ρον αἰγυπτιοῖς τοὺς σκυθῶν νόμους φυλάττουσιν, ἢ σκύθαις τοὺς αἰγυπτίων.
*Sed neque inter barbaros Ægyptij Scytharum leges seruant, neque
Scythæ Ægyptiorum. Et huc faciunt nonnulla apud Hero-*

dotum lib. IV.
Denique, connubia Sarmaticarum puellarum forti-
tudinis præmia. Nic. Damascenus apud Stobæum cap.
XLII : παρθένον δὲ ἢ πρότερον στωοικίζουσι πρὸς γάμον, πρὶν ἂν πολέμιον
ἀνδρα κτείνῃ. *Virginem non prius locant ad nuptias, quam hostem
occiderit. Mela lib. III. cap. IV. Ferire hostem adultarum stē-*
*pendium est ; ad τὸν οὖν non percussisse, pro flagitio habeatur, sitque
eis pœna virginitas.*

CAPVT XI.

Auieni Ora maritima sæpius correctæ.

NUllibi peius habitum fuerunt ab ineptis librarijs Au-
ctores, quàm circa propria populorum, regio-
num, fluuiorum, hominum rerumque aliarum
nomina. Hic corrigenda est iterum Ora maritima Auiē-
ni, cui caput hoc destinabimus.

*Memorato aliam in gemina sese flumina
Scindunt repenti, per qua prædicti sinus
Crassum liquorem,*

Refin-

Refingo locum:

*Memoratus Ana in gemina sese flumina
Scindit repente, perque pradiecti sinus
Crassum liquorem.* — —

Dixerat enim Auienus:

Ana amnis illic per Cynetas effluit. —

Porro: *Littusque latus saxum distenditur.*

Scribo: *Late.*

Item: *Anhyberus inde manat amnis.* —

Emendo: *At Hiberus inde manat amnis*

Post: *Nunc destituta, nunc ruinarum ager est.*

Reposueram: — — *nunc ruinarum est ager.*

Sed præferenda Barthiana lectio: — *agger est.*

Sic infra: *Varios per agros & ruinarum aggeres,*

Porro: *Oraculumque monte ab illo, quem tibi*

*Horrere silvis dixeram, in Veneris**

Litus recline & molle harenarum iacet.

Viderur explenda lacuna:

Horrere silvis dixeram: in Veneris iugo

Litus recline & molle harenarum iacet.

Ita namque & postea:

Phanumque adusque Veneris ac Veneris iugum

Littus recumbit.

Versu proximo. *In qua Besilus atque Cilbus flumina*

Vergent fluentum.

Lego: *Vrgent fluentum. Vrgent, adigunt, propellunt.*

Glossarium H. Stephani: *Vrguet, ἐπείγει, καὶ μακρύνει, ἐμύκει, ἐμύκει.*

Europa in agro quod vocari ab incolis

Sacrum indicant, prominens subducitur

Locus, utrosque interfuit tenue fretum.

Distinguo & lego: — — *prominens subducitur.*

Locos virosque interfluit tenne fretum.

Uterius: *Hic Herculanæ stant columna, quas modum*

Veriusque haberi continentis legimus.

Modus pro termino. Sic modus fluminum, modus limitum
apud sæculum Flaccum. Vide V. C. Nic. Rigaltij Glossas
Agrimenforias.

Oceanus iste est, orbis effusi procul

Circumlaturus iste, Pontus maximus.

Emendandum puto:

Oceanus iste est, orbis effusi procul

Circumlaturator iste. Pontus maximus.

Sic elatrare Horatius, conlatrare Seneca F. dixit.

Vis vel varium pelagus omne internatat.

Optimè Barthius *Vis belluarum.* Ego: *Pecus marinum, e-*
mendaüetam. Sed muto sententiam.

Balearicarum latè insularum dorſa sunt.

Lego: *Balearidum.*

At qua recedit ab ſalo tellus procul.

Rutil. Numatian. lib. I.

Asia prælegitur tellus, pyrgique recedunt.

Porro: *Ferax olim, & hinc Minervæ ſat ſacræ.*

Lego: — — *ſtat ſacræ.*

Callipolis illæ mœnium.

Proceritatem & celsa per ſaſtigia

Subibat auras, quæ laris vaſti ambitus

Latere ex utroque piſcium ſemper ferax,

Stagnum imprimebat.

Primò: *Callipolis illa quæ per altam mœnium*

Proceritatem; aut non abſimile quid reponendū

videtur.

Post

Post lege: — — qua maris vasti ambitu.

Porro: Præterque vasti gurgitis crepulas aquas.

Legendum: — — creperas

Post: — — dehinc

Besaram stetisse fama cassa tradidit.

Emendo: — — fama cassa tradidit.

Num qua excitent, fluctuum volumina,

Sternatque semper gurgitem Alcyonæ quies.

Lego: Nunquam excitentur fluctuum volumina.

Dehinc: * Et à prisca silvis nominis porro auctor.

Lego: Et aprica silvis, nominis porro auctor est.

Post: — — & invicem regionibus

Cer * negari.

Rescribo: Certis negari.

* Meatus amnis aut fonte per Tylangios.

Lego: Meatus amnis autem.

Deinde: — — Panditur porro in decem

Flexis recursum gurgitum stagnum graue

Plerique tradunt,

Lego: — — Panditur porro in decem

Flexus recursum gurgitum stagnum graue, ut

Plerique tradunt.

Frontini de Agror. qualitate: Flexus, qui secundum locorum naturam curvantur, ut in agris arcifinijs solet.

Labos & olim conditorum diligens

Formam locorum & arua naturalia

Fulcit arte; — —

Emendo: Labos sed olim conditorum diligens

Formam locorum & arua naturalia

Fulcit per artes; — —

Æquor

Æquor assiduis fluctibus alluens vrbi Massiliæ & campis
pœnè vim intulit : sed conditorum industria & labore
arua tutiora reddita, arteque in meliorem statum perdu-
cta fuerunt.

CAPVT. XII.

Sarmatis semper Reges, Principes, duces: Quorundam nomina.

Reges ac duces Sarmatis semper fuisse, controuer-
sum non est. Meminit eorum Herodotus lib. IV.
aliquoties. Plinius Iun. lib. X. epist. XIII. ad Traia-
num Imp: *Sed venit tabellarius Sauromata, quem ego, usus op-
portunitate quam mihi casus obtulerat, cum tabellario qui Lycor-
mam ex itinere praeceffit, mittendum putavi, ut possis ex Lycor-
ma & ex regis Epistolis pariter cognoscere, quæ fortasse pariter
scire deberes. Et Epist. seq: Rex Sauromates scripsit mihi, es-
se quadam quæ deberes quam maturissime scire. Item XV: Le-
gato Sauromata regis, cum sua sponte Nicea, ubi me inuenerat,
biduo substitisset, longiorem moram faciendam, domine, non pu-
taui. Seneca Thyeste:*

Reges conveniant licet,

Qui sparsos agitant Dahæ,

Qui rubri vada littoris;

Et gemmis mare lucidum

Lætè sanguineum tenent:

Aut qui Cassia fortibus

Recludunt iuga Sarmatis.

De Iazygibus Sarmatis Tacit. lib. III. Hist: *ne inermes pro-
uincia barbaris nationibus exponerentur, Principes Sarmatarum
Iazygum, penes quos ciuitatis regimen in commilitum assiti. De
Roxolanis Æl. Spartian. in vita Adriani: Cum rege Roxo-
lano-*

lanorum, qui de imminutis stipendijs querebatur, cognito negotio pacem composuit.

Seriem verò certam regum & successionis ordinem ultima ex origine indagare velle, vanum est. Et valeat cum Thuyschone suo, rege Sarmatiæ, fictus Berosus Annij= Viterbiensis, cuius proteruiæ & commentitijs Antiquitatibus Suarezius, Posseuinus, Pererius, Torrentius alijque doctissimi viri larvam dudum detraxerunt.

De *Medosacco* Sarmatarum rege, luxui & crapulæ dedito, eiusque coniuge *Amage* heroica foemina & supra fexus sui captum fortissima Polyænus Stratagem. lib. VIII. De *Rausimodo* tempore Constantini Imp. contra ditiones= Romanas ad Istrum mouente Zosimus lib. II. *Zizaim* Sarmatis Limigantibus à Constante Imp. regem præfectum. Ammian. Marcellin. narrat lib. XVII. *Bunga* & *Babai* Sarmatarum reges à Iornande de rebus Geticis nominantur, qui Hunimundo & Alarico Sueuorum regibus auxilio= contra Gothos adfuerint.

CAPVT XIII.

Anonymi carmen in vrbs Romæ ruinam ex codice antiquo.

EXtat inter Poematia vetera Anonymi epigramma in ruinam Romæ; quod & Franc. Schottus adducit= in Vrbs Admirandis. Est verò istud:

Vrbs cecidit; de qua si dignum dicere quicquam

Moliar, hoc potero dicere, Roma fuit.

Non tamen annorum series, non flamma, nec ensis,

Eternum potuere hoc abolere decus.

Cura hominum potuit tantam componere Romam,

Quantam non potuit soluere cura deum.

*Confer opes, marmorque nouum, superumque fauorem,
Artificum vigilent in noua facta manus:*

*Non tamen aut fieri par stanti machina muro,
Aut instaurari sola ruina potest.*

*Tantum restat adhuc, tantum ruit, ut neque stans pars
Aequari possit, diruta nec resciri.*

*Hic superum formas superi mirantur, & ipsi
Se cupiunt fictis vultibus esse pares.*

At extat penes me in membrana vetustissima carmen, cuius hoc, ut videbatur, Epigramma pars nondum dimidia est. Id latere diutius non debet; cum & xui sui optimum sit, & inter optimi xui meliora poni mereatur.

Par tibi, Roma, nihil, cum sis propè tota ruina:

Quam magni fueris integra, fracta doces.

Longa tuos fastus atas destruxit & arces:

Casaris & superum templa palude iacent.

Ille labor, labor ille ruit, quem dirus Araxes

Et stantem premuit, & cecidisse dolet.

Quem magis optauit cum crimine solus habere

Cesar, quam socius & pius esse socer:

Qui crescens studijs tribus, hostes, crimen, amicos,

Vi domuit, secuit legibus, emit ope.

In quem dum fieret vigilauit cura priorum:

Inuit opus pietas hospitis, vnda locum.

Materiem, fabros, expensas axis uterque

Misit, se muris optulit ipse locus.

Expendere duces thesauros, fata fauorem,

Artifices studium, totus & orbis opem.

Proh dolor! urbs cecidit, cuius dum specto ruinas,

Penso statum, solitus dicere, Roma fuit.

Vrbs

Urbs cecidit de qua si quicquam dicere dignum

Moliar, hoc potero dicere, Roma fuit.

Non tamen annorum series, non flamma, ne hostis

Ad plenum potuit hoc abolere decus.

Cura hominum potuit tantam componere Romam,

Quantam non potuit solvere cura deum.

Confer opes, marmorque nouum, superumque fauorem,

Artificum vigilent in noua facta manus,

Non tamen aut fieri par tanto machina muro,

Aut restaurari sola ruina potest.

Tantum restat adhuc, tantum ruit, ut neque stans pars

Æquari possit, diruta nec refici.

Hic superum formas superi mirantur & ipsi,

Et cupiunt fictis vultibus esse pares.

Non potuit natura deos hoc ore creare,

Quo miranda deum signa creauit homo.

Vultus adest his numinibus, potiusque coluntur

Artificum studio quam deitate sua.

Urbs felix si vel dominis urbs illa careret,

Vel dominis esset turpe, carere fide.

Adjiciemus pauca. Par tibi, Roma, nihil) Respicit illud

Martialis lib. XII. Epigr. VIII:

Terrarum dea gentiumque Roma,

Cui par est nihil, & nihil secundum.

cum sis propè tota ruina) Palladius Hist. Lausiaca cap. CXVIII.

nec æneas quidem statuas in foro relictas, & Urbem desertam relictam, vereque, iuxta Sibyllæ vaticinium, & quod est, vicum esse factam, conqueritur.

Quam magni fueris integra, fracta doces.)

Epigramma in Græciæ ruinam:

— — cinis ipse iacentis
Visitur, & tumulto est nunc quoque sacra suo.

(arces) Domus superbas: è quarum maioribus omnia intra se vnaquæque habuit, quæcunque mediocris etiam vrbs habere potuit, hippodromum, fora, delubra, fontes, varia balnea: vt est in Olympiodori excerptis apud Photium: vbi & versus adducitur:

Εἰς δὲ μὲν ἄστυ πέντε: πόλις ἄστυ μὲν ἓκα πύχαι.
Est vrbs vna domus: mille oppida continet vna vrbs.

(Et stantem premuit) Legend. tremuit.
(vigilauit curæ priorum) Forte: deorum. *(Pietas hospitii)* Malim: hospitij. Florus lib. I. cap. I: *Imaginem vrbis magis, quam urbem fecerat: incola deerant. Erat in proximo lucus: hunc Asylum facit: & statim mira vis hominum.*

(Solitus dicere) Corrigo: soleo dicere.

(Roma fuit) Ausonius Epigr. de Roma, Constanti-
 nop. & Carthagine:

— — *Vetus hanc opulencia præfert
 Hanc fortunare cens. Fuit hæc: subit ista.* —

Grauiissimus scriptor Saluianus lib. IV. de gubern. Dei:
Denique sciunt hæc Hispania, quibus solum nomen relictum est: sciunt Africa, quæ fuerunt. Sic de Lugdunenfi Colonia Seneca Epist. XCII: Lugdunum quod ostendebatur in Gallia, queritur.

(nec hostis) Melius editio Pithoei: *nec ensis.*
(marmorque nouum) Istud nouum mihi suspectum est.
(Tantum restat adhuc) Hoc distichon in MS. meo omis-
 sum fuit. *(Non potuit natura)* Planè ita Ausonius in buculam Myro-
 nis Epigr. LXIII.

*Fingere nam similem viua quàm viuere, plus est:
 Nec sunt facta dei mira, sed artificis.*

Coeterum ne sic quidem satis integrum esse carmen hoc videtur. Nam cum de statuarum iactura tantum verborum fecerit Auctor, mirum esset, maiora transiisse. Vltimum etiam distichon, licet non infelix, tamen præcedentibus vix satis conuenit.

CAPVT XIV.

Sarmatarum corporis cultus: coma; barba. Alanorum apices fastigiati: Sarmata pelliti: braccati. Mures, siluestres bestia. Sysira. Mastruca. Rhenones, Bracca; unde dicta. Scythica; calceamenti genus.

Corporum cultus Sarmatis quis fuerit, paucis expediam. De comis & barba Ouidius lib. V. Trist. Eleg. VIII:

Non coma, non ulla barba resecta manu.

Lib. eod. Eleg. X:

Sapè sonant moti glacie pendente capilli,

Et nitet inducto candida barba gelu.

De Borysthenis vrbis incolis Dio Chrysostomus, interp. F. Marcello: *Oppidò igitur gauisus esset aspectu Philosophus quispian, quod omnes antiquum iuxta morem (ut Homerus Græcos describit) comam gerebant, barbasque promiscrant. Sed Dioni sermo de Græcis est, qui coloniam eò deduxerant, & mercaturæ exercendæ gratia potissimum illic viuebant. De Scythicis gentibus vniuersis Plutarchus in Crasso: τῶν ἁλλῶν Πάρτων ἢ Σκυθικῶς ὅτι τὸ φοβερόν τῶν ἀνασίτων κερμάτων. Cum cæteri Parthi etiam tū Scythico modo horrerent capillo incompto.*

Alanis, qui Sarmatæ, apices fastigiati. Isidorus: *Per-f. sa brachia ac crura lineamentis, caput tiara tegunt. Eminent apicibus fastigiatis Alani.*

Vestis Sarmatarum pelles & braccæ. Ouid. III. Trist.
El. X:

Pellibus & sutis arcent mala frigora braccis,

Oraque de toto corpore sola patent.

Seneca epist. XC: *Non hodieque magna Scytharum pars tergus
vulpium induitur ac murium, quæ tactu mollia & impenetrabi-
lia ventis sunt.* Iustin. lib. II. cap. II: *Et quanquam continuis
frigoribus urantur, pellibus tamen ferinis aut murinis utuntur.
Mures autem Romanis passim siluestres bestię, ut martes &
hermelini, qui ad vestitum commendabantur. Bouinas et-
iam pelles huic vsui inseruisse Paulinus innuit Propem-
ptico Nicetæ:*

Et Getæ currunt & uterque Dacus,

Qui colit terræ medio, vel ille

Diuitis multo boue pelleatus

Accola ripæ.

Huiusmodi vestium genus fortasse *Sysira*. Iul. Pollux
= lib. VII. cap. XV. συσιρα δὲ, χιτὼν σιὺν πυγῇ, ἐντελὴς, χειρῶν δὲ
= *Συσίρα* τὸ χιτῶνα. *Sysira autem tunica coriacea, pilosa, manica-
ta: habitus Scythicus.* Item *Mastruca*. Isidor. lib. XXI. cap.
XXIII: *Mastruca vestis Germanica ex pelliculis ferarum. de qua
Cicero pro Scauro: Quem purpura regalis non commouit, cum
Sardonum mastruca mutauit.* Prudent. lib. II. contra Symm:

Tentaui Geticus nuper delere tyrannus

Italiam, patrio veniens iuratus ab Isthmo,

Has arces aquare solo, tecta aurea flammis

Soluere, mastrucis procures vestire togatos.

Derhenonibus Cæsar de bello Gallico. Seruius ad Virg.
= III. Æneid: *Vestes de pellibus rhenones vocantur. Sed bre-
uior hæc vestis, & intra thoracis ferè modum.* Isidor. ibid:

Rhe-

Rhenones sunt velamina humerorum & pectoris usque ad umbilicum, atque intortis villis adeò hispida, ut imbres respuant.

De braccis Ouidius, loco iam citato. Mela lib. II. cap. I. *Totum braccati corpus, & nisi quò vident, etiam ora vestiti.* Sed pro corporis vniuersi vestitu Mela braccas sumit. Laxas fuisse ex Lucano discimus, lib. I:

*Et qui te laxis imitantur, Sarmata, braccis
Vangiones, Batauique truces.*

Ouid. lib. V. Eleg. VII:

Pellibus & laxis arcent mala frigora braccis.

Tacit. de morib. Germ: *Locupletissimi veste distinguuntur, non fluitant, sicut Sarmatæ ac Parthi, sed stricta & singulos artus exprimente.* Braccæ Etymologo *βραχία*; in *ἀραξυέσδας*: qui dictas putat, *ἀπὸ τῆ βραχία, ἀρεονασμὸς τῆ β.* Lexicon vetus Græco-Lat: *βραχίον, pannum.* Latinum nomen putat Isidorus lib. XIX. cap. XXII. *Femoralia appellata, eò quod femora tegant.* Ipsa & braccæ, quod sint breues, & verecunda corporis *ijs velentur.* At braccæ hodieque *bruch* Saxonix Inferioris populis, Danis *broch*, Belgis *broecke* sunt: cui vocabulo, ut alijs, Romani suæ linguæ flexum addiderunt.

De pedum tegmine veteres apertè nihil. *Scythica* tamen peculiare calceamenti genus; forte & huic genti. Harpocraton in *Σκυθικῇ*. Iul. Pollux lib. VII, cap. XXII.

CAPVT. XV.

Fera quadam & animalia Ponti & Sarmatarum. Castor; idem

*Fiber: Bebrus: Bobera amnis. Mus Ponticus. Taran-
dus. Colos. Venationes Sarmatarum. Asini in Scy-
thia nulli.*

Exfe-

EX ferarum pellibus vestimenta Sarmatarū ferè constituisse, diximus. Pro ducamus feras Ponti & Sarmatarum paucas, quarum auctores meminisse nunc quidem recordamur.

De castore Tertullianus; lib. I. adu. Marcionem : *Iam & bestijs illius barbaria importunior Marcion. Quis enim tam castrator carnis castor, quàm qui nuptias abstulit ? Solinus cap. XIII : Per uniuersum Pontum Fiber plurimus, quem alio vocabulo dicunt castorem. Bebrus infimi æui scriptoribus dicitur. Glossæ veteres : Castorinum, vebrium. Germanis hodie, Biber. Inde Boberæ nobili Silesiæ amni nomen. Ditmarus Merispurgensis Episcopus, qui A. C. MXVIII. decessit : Fixerunt tentoria iuxta amnem qui Bober dicitur Sclauonicè, castor Latine. Quos Bolizlaus munitis littoribus præfati fluminis, cū exercitu grandi in Crofno sedens, ullo modo transire prohibuit.*

De mure Pontico Tertull. loco citato : *Quis tam comestor mus Ponticus, quam qui Euangelia corrosit ? Aristotel. de histor. animal. lib. VIII : πολλὰ δὲ καὶ ὁ ἑλεῖος ἐν αὐτοῖς τοῖς δένδροις, καὶ γίνεται τότε περὶ ταύτος, καὶ ὁ μὺς ὁ πέντε ὁ λευκός. Latet verò etiam sciurus in ipsis arboribus, & euadit tumpinguissimus. Idem mus Ponticus albus. Idem ex Philosopho Plinius recenset lib. VIII. cap. LVII.*

Tarandus. Theophrastus de animalibus quæ colorem mutant : καὶ τὸ μέλον ὁ τάρανδρος, ὁ ἐν Σκύθαις φασὶν ἢ Σαρματίας γίνεσθαι. Illaque bellua, quæ vocatur tarandus, quæ apud Scythas aut Sarmatas nasci creditur. Aristotel. etiam lib. de mirab. auscult. reperiri ἐν Σκύθαις τοῖς καὶ οὐμένοις Γελωνοῖς, apud Scythas qui Geloni dicuntur, reperiri ait. Stephanus : Γελωνοί, Σαρματίας πόλις. Geloni, urbs Sarmatiæ. Describit Theophrastus, interprete A. Schotto : *Tarander quidem magnitudine bouis est, si-*

est, similis figura cerno, nisi quod latior, tanquam è duorum ceruorum figuris compositus. Bisida est ei ungula, & cornu. Habet verò hoc ramos ut ceruorum cornua, & omninò pilosum est. Ossa tegit extenta cutis, vnde pili existunt. Pellis digitum densa est, admodum dura; ideò & eam aptantes, pro thorace militari utuntur. Rarò hoc animal videtur: mira eius mutatio, & pœnè incredibilis. Alia quidem animalia in pelle mutantur, mutato interno humore vel sanguineo, vel alio, ut manifesta sit sympathia, hoc est, natura consensus. Pilorum verò mutatio, cum aridi sint ac pendentes, & frequenter mutari non soleant, omninò admiranda & incredibilis est; maxime cum variè illa fiat. Quæ ferè & apud Aristotelem extant lib. iam laudato. Meminit eius & Phile cap. XLIX. de animal. Eustath. ad Dionys. Perieg. Plinius ac Plinij exscriptor Solinus, qui in Æthiopia, contra aliorum sententiam, nascit ait. Cœterùm de hoc animali quid dicam, nescio: multa tamen illi cum alce similitudo, cuius pelle etiam nunc pro thorace milites frequenter vtuntur. Sed alcen Pausanias in Bœot. Cæsar lib. VI. Plin. lib. VIII. Solinus cap. XXIII. disertè, quamuis non exactè, describunt; & hæc palæstra vix est mea.

Sarmatas etiam animal quadrupes habere, quod Colos ab ijs appelletur, magnitudine inter ceruum & arietem media, album, cursu quam illa velocius, quod naribus aquam in caput hauriat, ibique per dies plures referuet, ita vt facillè viuat in locis aquis expertibus, Strabo ait lib. VII.

De venationibus Sarmatarum idem Strabo ibidem; Θῆραι δ' εἰσὶν ἐν μὲν τοῖς ἐλαφῶν καὶ σαρκεῶν. ἐν δὲ τοῖς πεδίοις, ὁ νάρεων, καὶ δορκάδων. Venationes habent, in paludibus quidem ceruorum & aprorum: in campis onagrorum & caprearum.

At nullos in Scythica terra alinos gigni, propter im-

mensum frigus, Aristoteles auctor est : idem de mulis Antigonus affirmat, in Collectaneis historiar, mirabilium.

CAPVT XVI.

Amazones prima equum conscenderunt. Sarmatarum equi. Scythæ equum: Adagium.

A basinis ad equos. Hi Sarmatiæ terræ singulare animal, Sarmatarum, bellicosi populi, propria cura. De Amazonum gente, quas & Sauromatidas ab antiquis dictas notauimus, Lyfias Orat. XXXI: *πρώται δὲ τῶν πάντων ἐφ' ἵππους ἀναβᾶσιν.* *Prima omnium in equos ascenderunt.* De iisdem Lycophron:

ὅπερ κελευνὸν ἵππον ἤλασεν σκύλας ἵππους.

Trans gurgites Istri nigros Scythicas equas Egere.

Singulos Sarmatarum magnam equorum copiam alere, Pausan. lib. I. affirmat; viuere in equis, Tacitus: *Quæ omnia, inquit, diuersa Sarmatis sunt, in plaustro equoque uiuentibus.* Ita Clemen. Alexandrinus iam citandus. Ouid. V. Trist. El. VIII:

*Sarmatica maior Geticæque frequentia gentis,
Per medias in equis itque reditque vias.*

Martial. lib. VII. Epigr. XXX:

Nec te Sarmatico transit Alanus equo.

Et de Borysthene Adriani Cæsaris equo ante egimus. De Sarmatis Iazygibus Tacit. XII. Annal: *Ipsi manus propria pedites, eques è Sarmatis Iazygibus erat.* Item III. Hist: *Principes Sarmatarum Iazygum, penes quos ciuitatis regimen, in commilitium affciti: plebem quoque, & vim equitum, qua sola valent, offerebant.* Coete-

Coeterum Adagium ; ὁ Σκύθης τὸν ἵππον, *Scythæ equum*, Zenobius adducit, & in eos dictum ait, qui clam aliquid ambiunt, palam verò repudiant ac respuunt. Neque ferè aliter Diogenianus & Suidas ; ad quos plura notavit vir infinitæ lectionis A. Schottus. Adrianus Iunius & in eos dici posse autumat, qui duplex vna & eadem ex re commodum captant. Ita enim de Scythis Clemens Alexandrinus : οἶκον αὐτῶν καὶ τῆς ἀμείξης ἐυζωνότερον, τὸν ἵππον λαβὼν Σκύθης ἀνὴρ, ἀναβάς φέρεται οἱ βέλεται. καί μιν δὲ ἄρα λιμῶ, αἰτῇ τὸν ἵππον τροφάς. ὁ δὲ, ὑπέχει τὰς φλέβας. καὶ ὁ κέκτεται μόνον, τῷ κυρίῳ τὸ αἷμα χορηγεῖ. *Domum sufficientem, & planstro agiliorem, equum scilicet acceptum conscendens Scythæ, eum ducit quò vult. Fame autem laborans, petit ab equo alimentum : ille verò præbet venas, & quem solum possidet sanguinem domino suppeditat.* Ad hunc morem Scytharum Sarmatarumque & Martialis haud dubiè respicit, lib. de spectac. Epigr. III.

Venit & epoto Sarmata pastus equo ;

Quamvis de lacte equino superius exposuerim cap. IX.

CAP. XVII.

Sarmatarum præcipua supellex, arma. Militia toti. Et Mars illorum Deus. Ensis cultus : Item ignis ; cap. X. omiſſa. Sarmatarum tela & arma.

Non omittenda sunt arma Sarmatarum, quia de cæteris egimus. Hæc, quod Cicero de Urbis militibus, in onere non plus numerabant, quam humeros, lacertos, manus : hæc in bello necessaria, in pace decora sibi credebant. Nec mirum eos Martem coluisse, qui, referente Diodoro lib. V. armaturam fabricare, & milites telis instruere princeps instituit. Sed & ensen venerati

sunt, custodiam bonorum, interitum peccantium. Vidimus supra. Non tamen elabi nobis debet Icesij locus apud Clem. Alex. Adhort. ad Gentes : Σκυθῶν δὲ οἱ Σαυρομάται, ὡς φησὶν Ἰνέσιος ἐν τῷ περὶ μυστηρίων, ἀκινάκη σέβουσιν. Ex Scythis autem Sarmatae, ut dicit Icesius in De mysterijs, acinacem adorant. Ignem ijs etiam fuisse sacrum, supra dictum oportuit. Ex Nymphodoro recitat idem eruditissimus veteris Ecclesiae doctor : τί μοι Σαυρομάτας καταλέγειν, ὅς Νυμφόδορος, ἐν νομίμοις βαρβαρίοις, τὸ πῦρ σεβεῖν ἵσχει ; Quid mihi opus est recensere Sarmatas, quos refert Nymphodorus, in libro de legibus barbaricis, ignem colere ? Sed ad arma, ut primum quodque illorum nobis sese obtulerit. De coryto, siue pharetra, arcu, sagittis varij. Ouid. V. Trist. El. VIII :

*Sarmatica maior Geticaque frequentia gentis,
Per medias in equis itque reditque vias.
In quibus est nemo, qui non coryton, & arcum,
Telaque vipereo lurida felle gerat.*

Et de Ponto lib. I. El. VI :

*Moris an oblitus patrij contendere discam
Sarmaticos arcus, & trahar arte loci ?*

Martial. lib. VII. Epigr. II :

Inuia Sarmaticis domini lorica sagittis,

Auctor Herculis Oetxi :

*Non illum poterant figere cuspides,
Non arcus Scythico tensus arundine,
Non quae tela gerit Sarmata frigidus.*

Tacit. VI. Annal. Sarmatae omisso arcu, quo breuius valent.
M. Aur. Claudius Imp. epist. ad Regillianum apud Trebell.
Arcus Sarmaticos & duo saga ad me velim mittas,

Pau-

Pausan. lib. I: Sauromatas, cum ferri fodinas non habeant, neque ferrum alij ad eos importent, arcus corneos habere ait, & sagittas vimineis spiculis munitas. Sed hoc de Fennis Tacitus; quos in Germanis annumerare mauult quam Sarmatis, lib. de morib. German: *Fennis mira feritas, fæda paupertas. non arma, non equi, non penates: victui herba, vestitui pelles, cubile humus. Sola in sagittis spes, quas inopia ferri ossibus asperant.* De arcu Alani Marius Victor epist. ad Salmonem Abbatem:

Nec nos Riphæi prosterueret arcus Alani.

Non verò in sinistra solum tenere arcum Scythas, sagittam dextra; sed vtrisque similiter ad vtrunque vti recenset Plato VII. de legibus. Auerfis etiam equis Sauromatidas Sacidesque alias, instar virorum, iaculari Clemens ait lib. IV. Stromatum. Id & Parthis solenne. Ouidius:

Vt celer auersis vtere Parthus equis.

Coeterum quod de felis vipereo felle luridis idem Ouidius supra dixit, alios etiam testes habet. Vnus tamen instar omnium Aristoteles sit, qui de modo sagittas veneno tingendi ita, libro de mirab. auscult: *Scythicum venenum, quo sagittæ inficiuntur, ex vipera parari aiunt. Observant enim Scythæ parientes, & captas, mox diebus aliquot liquefaciunt; cumque satis computruisse videntur, infundunt ollula humanum sanguinem, quam in sterquilinio defossam cooperiunt. Ac ubi patridus iam is quoque apparet, liquorem supernatantem aquosum miscent cruore viperae, præsensque & lethale hoc pacto venenum reddunt.*

Gladios habuisse, eosque grauiores Tacitus ait I. Histor: *Neque gladij, quos prælongos vtraque manu regunt, vsui.* At de cultris Ouid. V. Trist. El. VIII:

Dextera non segnis stricto dare vulnera cultro,

Quem vinctum lateri barbarus omnis habet.

Per *cultrum* autem intelligendus fortè est gladius minus longus, quales *κνίδα* Xenophon dicere solet, falcis formâ ex parte referentes; & de quibus Curtius lib. VIII: *Copidas* vocabant gladios leuiter curuatos, falcibus similes.

De *hastis* Pausanias. Ælianus in *Tacticis*: *μεγάλοις δόξασι μάχονται, ὡς Ἀλανοὶ καὶ Σαυρομαῖται.* *Prelongis* hastis pugnant, vt *Alani* & *Sauromata*. *Contos* Latini nominant. Tacitus VI. *Annal*: *Sarmata* omisso arcu, quo breuius valent, *contis* gladijsque ruerent. Item, loco iam citato: *Neque conti neque gladij*, quos *prelongos* vtraque manu regunt, vsui. Silius Ital: *— pondera conti Sarmatici. —*

Conti vsu etiam in arena & cum feris pugna fuisse alij iam notarunt. Lampridius in *Commodo*: *Virium ad conficiendas feras tantarum fuit, vt elephantum conto transfigeret.*

Cestum tribuit Stat. II. Achill:

— quo turbine cestum Sauromates, falcemque Getes. —

Quamuis cestuum in acie rem fuisse, haud sibi lectum dicat V.C. Justus Lipsius in *Analectis* ad libros de militia Romana. Erant verò cestus ex corio duro, plumbo & ferro infuto rigentes, adeò vt & pondus eorum & soliditas ictu ferientis grauiorem redderet. His manibus & brachijs circumcirca alligatis pugiles potissimum inter se decertasse non nego: cum tamen Amyco Bebryciorum Regi & Polluci Valerius Flaccus lib. IV. Argon. eos tribuat, ac Dareti & Entello V. Æn. quamuis inter ludos funebres, Virgilius, & grauissimum hoc etiam pugnae genus fuisse videatur, an Siliij versus emendandus sit, dubito,

De ce-

Et cestibus Sarmatas vsos, quis miretur? Etiam funes inter arma. Pausanias lib. I. καὶ σιγῆς ἀβαλόντες τῶν πλεμίων ὁποῖσιν καὶ τύχοιεν, τὸς ἰπῶας ἀποσπέναντες ἀνατρέποντες τὸς ἐνχεθέντας τοῖς σέεσι. *Et laqueos injicientes hostibus in quoscunque incidunt, equos deinde in diuersum flectentes, eos deiciunt & illaqueatos euertunt.* De Alanis Hegesippus lib. V. cap L: *Laqueos iacere, atque hostē innectere, ars Alanis bellandique mos est.* Hinc & Parthi quidam σιγοφόροι, restiferi, dicti; vt Suidas in σιγῆς annotat. Clypeos Sidonius Apollin. nominat Carm. VII:

— iunctus tibi vincitur illic

Cursu Herulus, Chunus iaculis, Francusque natatu,

Sauromata clypeo, Salius pede, falce Gelonus.

Dissentit apertè Tacitus, lib. I. Hist: *Leui gladio inermem Sarmatam (neque enim defendi scuto mos est) cominus fodiebat.* Id. lib. de morib. Germ: *Hi tamen inter Germanos potius referuntur; quia & domos figunt, & scuta gestant, & pedum usu ac pernecitate gaudent; que omnia diuersa Sarmatis sunt.*

De thorace Pausanias lib. I. Neque aliter ferè Tacitus describit I. Histor: *Sed tum humido die, & soluto gelu, neque gladij, quos praelongos utraque manu regunt, vsui, lapsantibus equis, & cataphractarum pondere (id principibus & nobilissimo cuique tegmen, ferreis laminis, aut præduro corio consertum; vt aduersus ictus impenetrabile, ita impetu hostium pronolutis inhabile ad resurgendum) simul altitudine, & mollitia niuis, hauriebantur.*

CAPVT XVIII.

Sarmatarum bella & negotia cum Romanis.

Quid negotij Romanis olim cum Sarmatis fuerit, quamuis alij dudum in literas miserint: nos tamen

men hinc inde non nihil etiam colligemus, ut qui stipulam post aliorum messem. Ante translatum itaque in Cæsares imperium Sarmatæ neque amicitia neque odio Romanis nimum cogniti. Nisi quod de Appio Claudio Florus lib. III. cap. IV. *Appius in Sarmatas usque peruenit. Quare Imperatorum quorundam nomina ponere contenti, quid illorum vel memoria vel auspicijs cum Sarmatis gestum sit, annotabimus.*

D. AVGVSTVS. Florus lib. IV. cap. XII: *Sarmata patentibus campis inequitant: & hos per eundem Lentulum prohibere Danubio satis fuit. Nihil præter niues rarasque silvas habent. Tanta barbaries est, ut pacem non intelligant. Iorn. de Regn. success: Sarmatas quoque per eundem Lentulum ultra Danubium pepulit. Idem Seneca innuit lib. de breuitate vitæ cap. V: Dum alpes pacat, immixtosque media paci & imperio hostes perdomat, dum ultra Rhenum, & Euphratem & Danubium terminos mouet. Dion Cassius in Aug. vita: ἐπειτα δὲ Λούκιο Γαίῳ Σεργίου τῆς αὐτῆς αἰτίας κατ'ἑορτάς, ὅπως τοῦ ἱσποῦ ἀπεώσατο. Post eum (M. Lollium) C. Lucius eadem de causa contra Sauromatas bellum gerens, victos trans Istrum repulit. Iterum Florus cap. eod: Nam & Scythæ misere legatos, & Sauromatæ, amicitiam petentes. Si cum Scythis simul, apud Tarraconem Imperatorem salutarunt. Orosius lib. V. cap. XXI: Interea Casarem apud Tarraconem citerioris Hispaniæ urbem legati Indorum & Scytharum toto orbe transmissis, tandem ibi inuenerunt.*

TIBERIVS. Hoc forsitan Imperatore TI. PLAVTIVS. SILVANVS. MOTVM. ORIENTEM SARMATAR COMPRESSIT; ut habet agri Tiburtini Inscriptio. At alibi eum aduersam satis pugnam, fuso admodum

modum à Pannonijs exercitu, pugnaſſe Vell. Pater. lib. II. Hiſt. indicat.

CLAVDIVS. Hoc regnante Iazyges Sarmatæ Vannio, Regi Sueuis à Druſo Cæſare impoſito, auxiliares. Tacit. XII. Annal: *Ipsi (Vannio) manus propria pedites, e-ques è Sarmatis Iazygibus erat, impar multitudini hoſtium: cò-que caſtellis ſeſe deſenſare, bellumque ducere ſtatuerat. Sed Iazyges obſidionis impatientes, & proximos per campos vagi, neceſſitudinem pugna attulere.*

OTHO. VITELLIVS. Tacit. I. Hiſtor: *Conuerſis ad ciuile bellum animis, externa ſine cura habebantur. Eò au-
dentiùs Rhoxolani. Sarmatica gens, priore hieme caſis duabus co-
hortibus, magna ſpe ad Mœſiam irruperant; nouem millia equi-
tum. Quomodo victi, idem recenſet.*

DOMITIANVS. Sueton. in eius vita: *Expeditiones partim ſponte ſuſcepit, partim neceſſariò. Sponte in Cattoſ, ne-
ceſſariò vnã in Sarmatas, legione cum Legato ſimul caſa. Mox:
De Sarmatis lauream modò Capitolino Joui retulit. Idem Eu-
tropius narrat, & ex ipſo Paulus Diaconus. Hinc Statius
III. Silu. in Lachr. Hetruſci:*

*Hac eſt quæ victis parcentia fœdera Cattis,
Quæque ſuum Dacis donat clementia montem;
Quæ modò Marcomanos poſt horrida bella, vagosque
Sauromatas Latio non eſt dignata triumpho.*

Exhibet nummum Domitiani etiam Huberti Golzij Theſaurus Antiquitatis in quo SARMA TIA.

TRAIANVS. Compreſſit Sarmatas opera Legati Prætorij Adriani, qui deinde Imperator. Ælius Spartian. in Adriani vita: *Legatus poſtea Prætorius, in Pannoniam infe-
riorem miſſus, Sarmatas compreſſit. Eufebius ad A. C. CIII:*

Traianus victo rege Decebalo Daciam fecit provinciam : Iberos, Sauromatas, Osroenos, Arabas, Bosporanos, Colchos in fidem accepit. De fide Traiano à Sarmatis data coniecturam capere licet ex Plinij ad illum epist. XIII. XIV. XV. lib. X. vbi & Legati Sauromatæ regis mentio. Haud resigno quæ rex iste scripsit; de quo Epist. XIV : Rex Sauromatæ scripsit mihi esse quadam quæ deberes quam maturissime scire. Decebali tamen finitimi Daciæ regis consilia & motus aduersus Imp. indicare potuit. Nuntiatum equidem Traiano fuisse, Decebalum, inita semel pace, multa tamen contra fœdus facere, arma comparare, transfugas recipere, arces instaurare, finitimas nationes per legatos sollicitare, Xiphilinus ex Dione annotauit. De victo autem expeditione Traiani altera Decebalo, Daciaque in provinciam redacta, dicendum alibi. Apponere nunc libet venustam huius argumenti Inscriptionem, Warhelij Transiluanorum in ruinis Zarmizægethusæ repertam. E Lazio, Leunclauio & Car. Clusij schedis repræsentat Gruterus :

FORTVNAE

AVG

OMNIPOTENT

VBI. ERAS

RHAMNV

SIA

VBI. ERAS

QVANTVM ABFVIT

NE. ROMA. LVGERET

SED. VIVIT. TRAIANVS

VE. TIBI. DECEBALE

= MILSS. LEG. VI. ET. XIII. G

DEVOTIS CAPITIBVS

Sup.

Supposititiam non duco, ob genium ubi reperta est loci ac incolarum, à quibus circa literas elegantiores & eruditæ antiquitatis notitiam dolum malum abesse, satis credent, qui & illum cogitabunt, & iudicium suum consulēt. Imitatus verò illam egregiè est magnus heros & inter tot belli togæque prægloriosissimas artes longè doctissimus JO. ZAMOSCIUS, titulo monumenti inuicti Regis STEPHANI:

VIVERES. STEPHANE. MAXIME. VIVERES.
NEC. POLONIA. VNGARIAQVE. AC
NOMEN. CHRISTIANVM. LVGERET
NEC. IMPII. BARBARI. GAUDERENT
SED. VIVIT. DEVS
HAUD. SOLIDO. EXVLTABVNT. GAUDIO

ADRIANVS. *Æl. Spartian: Nam deficientibus his nationibus quas Traianus subegerat, Mauri laceſſebant, Sarmatæ bella inferebant. Post: Audito dein tumultu Sarmatarum & Rhoxolanorum, præmissis exercitibus Mæſiam petijt. Martium Turbonem poſt Mauritania præſecturam inſulis ornatum, Pannonia Daciaque ad tempus præſecit. Cum rege Rhoxolanorum, qui de imminutis ſtipendijs querebatur, cognito negotio pacem compoſuit.*

M. ANTONINVS PHILOSOPHVS. *Iul. Capitolin. in eius vita: Gentes omnes ab Illyrici limite uſque Galiam conſpirauerant, ut Marcomanni, Narifci, Hermunduri, & Quadi, Sueui, Sarmatæ, Latringes & Buri. Dehinc: Relicto ergò Sarmatico Marcomannicoque bello, contra Caſſium proſectus eſt. Eutropius lib. VIII: Ingenti ergò labore & moderatione, cum apud Carnuntum iugi triennio perſeueraffet, bellum Marcomannicum conſecit; quod cum his Quadi, Vanduli, Sarmatæ,*

Sueui atque omnis barbaria commouerat. Eusebius ad A. C. CLXIX: Romani contra Germanos, Marcomannos, Quados, Sarmatas, Dacos dimicant. Et ad A. C. CLXXIII: Imp. Antoninus multis aduersum se nascentibus bellis saepe ipse intererat, saepe duces nobilissimos destinabat, in quibus semet Pertinaci, & exercitu, qui cum eo in Quadorum regione pugnabat, fuit oppresso, pluuia diuinitus missa est: cum è contrario Germanos & Sarmatas fulmina persequerentur, & plurimos eorum interficerent. Inscriptio vetus: M. AVR. ANTONINO. AVG. GERM. SARM. PONT. MAX. Auctor Græculus, Epistolæ Antonino adscriptæ: Αὐτοκράτωρ Καίσαρ Μέγας Αυγύλις & Αὐτῶντι & Γερμανικὸς Παρθινὸς Σαρματικὸς.

COMMODVS. Hic paterni triumphi consors. Eusebius: Antoninus cum filio de hostibus triumphauit. Romæ, in mole Adriani: L. AELIO. AVRELIO. COMMODO. AVGVSTO. SARMATICO. Et sic alibi.

In expeditione verò contra Sarmatas & AVIDIVS CASSIVS, qui postea imperium affectauit. Vulcatius Gallicanus: Cum exercitum duceret, & inscio ipso manus auxiliaria centurionibus suis autoribus, tria millia Sarmatarum negligentius agentium in Danubij ripis occidissent, & cum præda ingenti ad eum redissent, sperantibus centurionibus præmium, quod per parua manu tantum hostium, segnius agentibus tribunis & ignorantibus, occidissent, rapi eos iussit & in crucem tolli, seruilique supplicio affici, quod exemplum non extabat: dicens euenire potuisse ut essent insidia, ac periret Romani imperij reuerentia.

GORDIANVS. Titulus sepulchri eius apud Iul. Capitolinum: Diuo Gordiano Victori Persarum, Victori Gothorum, Victori Sarmatarum, depulsori Romanarum seditionum, Victori Germanorum: sed non Victori Philipporum.

GAL-

GALLIENVS Eutrop. lib. IX: Pannonia à Sarmatis Quadisque populata est. Iornand. de regnor. success. Quadi & Sarmatae Pannonias inuaserunt. Hoc vino & popinis vacante, **INGENVS** à Moesiacis legionibus Imperator dictus est. De quo Trebell. Pollio: Neque in quoquam melius consultum Reipublicae à militibus videbatur, quam quod instantibus Sarmatis creatus est Imperator, qui fessis rebus mederi sua virtute potuisset. De **REGILLIANO**, qui & ipse Gallieni tempore ad Imperium profiliijt, idem Trebell: Hic tamen multa fortiter contra Sarmatas gessit; sed autoribus Rhoxolanis consentientibusque militibus, & timore provincialium, ne iterum Gallienus grauiora faceret, interemptus est. Et de **CENSORINO**: Extra ordinem quoque legatione Persica functus; etiam Sarmatica.

AVRELIANVS. Fl. Vopiscus in eius vita: Item Aurelianus contra Sueuos & Sarmatas iisdem temporibus vehementissime dimicauit, ac florentissimam victoriam retulit.

CARVS. Fl. Vopiscus: Ingenti apparatu, & totis viribus Probi profligato magna ex parte bello Sarmatico quod gerebat, contra Persas profectus. Ibidem: Bonum Principem Carum fuisse, cum multa indicant, tum illud etiam quod statim adeptus imperium, Sarmatas adeo morte Probi feroces, ut inuasuros se non solum Illyricum, sed Thracias quoque Italiamque minarentur, ita inter bella patiendū contudit, ut paucissimis diebus Pannonias securitate donauerit, occisis Sarmatarum sedecim millibus, captis diuersi sexus viginti millibus. Pater bellum confecit, **CARINVS** Filius voluptatem victoriae sibi vindicauit. Idem Vopiscus: Memorabile maxime & Carini & Numeriani hoc habuit imperium, quod ludos Romanos nouis ornatos spectablis dederunt. Et post de Carino: (nam in eius vita hoc re-

censet : *Exhibuit & ludum Sarmaticum, quo dulcius nihil est.* Id capitis à patre tot Sarmatarum millibus, è quorum numero hic quos visum est circo adhibuerit, & populo spectandos ostenderit, factum esse, minimè dubito. Ludus verò Sarmaticus, quo, iudice Vopisco, nihil dulcius, quis aut qualis fuerit, nemo non, ut opinor, mecum ignorat. Idem de se Salmasius fatetur; qui tamen de ludo desultorio suspicionem inijcit, cum Sarmatæ desultores equorū fuerint optimi. Vix quidem alios Ælianus intelligit in Tacticis, cap. XXXVII: *τί πρῶτον δὲ τὸ ποιῶντων χῆμα μάλιστα πρὸς τοὺς πολεμικοῦ ἱπποῦ βαρβαρίους, οὓς καὶ ἀμφίπλους ἕλουν, ὡς εἰδισμένους μεταβαίνειν ἀπὸ ἀλλήλων ἱπποῦν εἰς ἄλλους.* *Vsus huius formæ maximus est aduersus barbaros ad Istrum, quos & amphippos dixere, ut qui ab alijs equis in alios transilire assueti sint.* Et de Sarmatis Lucanus lib. III. veloces nominat :

Dij melius, quod non Latias Eous in oras

Nunc furor incubuit, nec iuncto Sarmata velox

Pannonio, Dacisque Getes admistus. —

Produxit postea Sarmatas in arenam, sed gladiatoriam, quoque Theodosius. Symmach. lib. X. epist. LXVIII: *Dudum fando acceperat P. R. cæsorū funera Sarmatarum. At nunc confirmata est nunciorum letitia, spectaculo triumphali. Iam minores non sumus vetustatis exemplis. Vidimus quæ acta miramur, catenatum agmen vineta gentis induci, illosque iam pridem truces vultus, misero pallore mutatos. Stetit arena medio subiecta voluptati, quæ fuit ante formidini, assueta armis gentilibus manus gladiatoria instrumenta tenuerunt. Et desultores, qui binos equos habebant, & alternis modò hunc, modo illum ascendere soliti erant, ac de vno in alterum transibant, in circo exhibitos fuisse, idem Salmasius ostendit. Describit hunc lulum Manilius lib. V:*

Nec

*Nec non alterno desultor si dere dorso
 Quadrupedum, & stabiles poterit desigere plantas
 Per quos vadit equos.* —

Exhibet Ludos Sarmaticos VII. Cal. Decembr. Calendarium vetus, inter alia eiusmodi scripta nuper à V. C. Ægidio Bucherio è tenebris erutum.

DIOCLETIANVS. MAXIMIANVS. Eutrop. lib. IX: *Varia deinceps & simul & viritim bella gesserunt, Carpis & Basternis subactis, Sarmatis victis: quarum nationum ingentes captiuorum copias in Romanis finibus locauerunt.*

CONSTANTINVS MAGNVS. De huius expeditione aduersus Sarmatas, qui rege ac duce Raufimodo Istrum traiecerant, Zosimus lib. II. Vide & Niceph. Callistum. Calendar. vetus Bucherij VIII. Cal. Augusti: *Nat. Diui Constantini. VI. Cal. Aug: Vict. Sarmaticas.*

CONSTANTIVS. Eum Quadorum Sarmatorumque motus sedasse Zosim. lib. III. narrat. Idem, sed cum exprobratione, quasi minus Imperator ad Istrum, quàm ipse in Gallia, cum hostibus negotij habuisset, Iulianus recenset epist. ad S. P. Q. Atheniensem.

GRATIANVS. Aufon. Paneg: *Voca Germanicum de ditione gentiliū: Alemannicum traductione captorum: vincendo & ignoscendo Sarmaticum.*

VALENTINIANVS. Hoc Imperatore Sarmatæ & Quadi Pannoniam & Mœsias inuasere, auctore Zosimo lib. IV. Et loquitur de illorum in prouincias Romanas irruptione illius æui sanctus scriptor Marius Victor Epist. ad Salmonem Abbatem:

*Et tamen, heu! si quid vastauit Sarmata, si quid
 Vandalus incendit, veloxque abduxit Alanus,*

Ambi-

*Ambiguus spebus licet & conatibus agris,
Conamur quandam in speciem reparare priorem.*

Valentiniani tamen victorias de Sarmatis Latinus Pacatus deprædicat, Paneg. Theodosio Aug. Valentiniani F. dicto :
Quæ Rhenus aut Vahalis vidit, aggrediar ? iam se mihi Sarmatica cæde sanguineus Ister objiciet.

THEODOSIVS. Idem Pacatus : *Vix tecta Hispana successeras ; iam Sarmaticis tabernaculis tegebaris.* Sed laborant historiæ ; ad Poëtas & Oratores veniendum fuit. Neque iam Sarmatæ finibus suis continebantur, mixti rerum non amplius dominis gentique togatæ. Ecce ad Mossellæ illis Rhenique tractus tempore Ausonij colonia :

*Prætereò arentem sitiientibus undique terris
Dummissum, riguasque perenni fonte Tabernas,
Arvaque Sauromatum nuper metata colonis.*

Itaque finis hic & modus harum conquisitionum esto ; cum ad historiam ne magnus quidem labor sufficiat, ad propositum verò nostrum tantillus etiam nimius esse videatur.

CAPVT XIX.

Sarmata Christiani.

Quando loca Ponto vicina & infessæ Sarmatis regiones sacris Christianis nomen primùm dederint, quos processus Ecclesia his locis habuerit, quas vices fuerit experta, dudum alij. Et tot Reuerendissimi Nominis Antistites, tot lumina sanctiorum Ordinum, tot eruditos Sacerdotes hæc regna, hæc regiones possident, vt neque externus antehac aliena, neque alijs negotijs deditus artes Professionis non meæ inuolare aut si possim, debeam rite ; aut si debeam, satis possim. Quin & ea me spes bona

bona habet, si qua Ecclesiasticæ Antiquitatis, vnâ cum alijs ad historiam aut literarum nitorem pertinentibus, monumenta inter abdita monasteriorum & bibliothecas publicas priuatasque delitescent, ea etiâ occasione ista tranquillitatis publicæ, beneficio diuini Numinis, inuidenda. Regis Augustissimi felicitate, virtute Procerum ac sapientia partæ, claustra bono omnium seriùs ociùs ruptura. Id solum dico, religionem Christianam Sarmatarum decus & gloriam sub ipsa nascentis Ecclesiæ Christianæ incunabula statim fuisse. Ponti accolæ inter cæteros etiam, teste Luca, mirabilia Dei opera contemplabantur, cum Spiritus Sanctus sedibus æthereis illapsus ea doceret Apostolos, de quibus omnes docendî eramus. His legationes sacrosanctas, ad diuulgandum in toto orbe terrarum Euangelium, obeuntibus, S. Petrus, cuius & Epistola inter alios ad Ponti aduenas est, præter alias prouincias, etiam Pontum; S. Andreas Scythiam sortitus est, Eusebio lib. III. cap. I. teste. Hunc omne Ponti Euxini latus accessisse, ex Nicephoro scimus.

In Bithynia Pontoque quas vires religio tempore Traiani ceperit, Plini⁹ Proconsul eò missus, lib. X. epist. XCVII. indicat: *Multi enim, inquit, omnis ætatis, omnis ordinis, vtriusque sexus etiam vocantur in periculum, & vocabuntur. Neque enim ciuitates tantum, sed vicos etiam atque agros superstitionis istius contagio peruagata est.*

De Sarmatis lib. adu. Judæos Tertullianus disertè: *Romani & incolæ, tunc & in Hierusalem Iudæi, & cetera gentes: ut iam Getulorum varietates, & Maurorum multi fines, Hispaniarum omnes termini, & Galliarum diuersæ nationes, & Britannorum inaccessa Romanis loca, Christo vero subdita; & Sar-*

matarum, & Dacorum, & Germanorum, & Scytharum, & ab-
 ditarum multarum gentium, & prouinciarum & insularum mul-
 tarum nobis ignotarum, & quæ enumerare minus possumus. In
 quibus omnibus locis Christi nomen, qui iam venit, regnat. Theo-
 doretus Serm. VIII: Postquam verò ad illum se receperunt (A-
 postoli) à quo destinati olim missique fuerant, omnes illis populi
 cunctæque nationes continuè perfruuntur: nequè solum Romani,
 quique sub Romanorum iugo lubentes agunt & gubernantur; sed
 Persæ quoque, Scythæ, Massageta, Sauromata, Indi, Æthiopes, ut-
 que semel dicatur, omnes habitabilis terræ fines. Idem Serm. IX:
 Neque solum Romanos, quique sub Romano viuunt imperio, sed
 Scythas quoque ac Sauromatas, Indos præterea, Æthiopas, Persas,
 Seras, Hyrcanos, Britannos, Cimmericos & Germanos, utque se-
 mel dicatur, omne hominum genus, nationesque omnes induxe-
 runt Crucifixi leges accipere; non armis usi, non infinita vi mili-
 tum delectorum, non immanitatis Persica violentia; sed verbo-
 rum suasu, ostensa legum quas predicabant utilitate. Pruden-
 tius pientissimus ac eruditissimus Auctor in Apotheosi:

Laxauit Scythicas verbo penetrante ruinas
 Vox angelica, Hircanas quoque feruida brumas
 Soluit, ut exutus glacie iam mollior amnis
 Caucasea de cote fluat Rhodopeius Hebrus.
 Mansuevere Geta, feritasque cruenta Geloni
 Lacte mero sitiens exanguia pocula miscet,
 Libatura sacros Christi de sanguine potus.

Paulinus Propemptico Daciæ Episcopi Nicetæ:

Te patrem dicit plaga tota Borea,
 Ad tuos fascēs Scythia mitigatur,
 Et sui discors fera te magistro
 Pectora ponit.

De missis à Joh. Chrysostomo ad Istri accolæ Triballos, Scythas aliasque gentes verbi diuini præconibus Philotheus & Nicephorus Callistus.

A patria verò & gente nomen traxisse pium Anachoretam Sarmatam, B. Antonij discipulum, vix dubito. De eo D. Hieronymus in Chron. A. D. CCCLXI: *Sarmata, Amata, & Macarius discipuli Antonij insignes habentur.* Et anno sequenti: *Saraceni, monasterium B. Antonij irruentes, Sarmatam interficiunt.* Quæ loca notauit Eminentissimus Baronius ad martyrologij Romani V. Eid. VIII. BR. hæc verba: *In Thebaide Sancti Sarmata discipuli B. Antonij Abbatis, qui à Saracenis pro Christo necatus est.* De hoc & Sidon. Apollinar. carm. XVI:

Nunc Or, nunc Ammon, nunc Sarmata, nunc Hilarion,

Nunc vocat in tunica nudus te Antonius illa

Quam fecit palma folijs manus alma magistri.

De Bogomilis ne quid adjiciam, prauum eorum dogma facit, de quo Harmenopulus. Agnosce tamen apud hunc nomen hodierno sermoni congruum: *ἐν δὲ τῷ Βογόμιλ & κατὰ τὴν τῶν Μυσῶν γλῶτταν, ὁ τῷ Θεοῦ τὴν ἐλεονδρασίαν.* Significat autem Bogomilus, iuxta Mysorum linguam, Dei misericordiam implorans.

Recentiora non tango: in ista verò cum inciderim, dum Sarmatica alia quærerem, omittenda non duxi.

CAPVT. XX.

M. Ant. Mureti, Hug. Grotij, M. Opitij Epigrammata in Nomisma aureum Zamascianum.

H

Actenus vetera. Sed qui præterita saltem æstimat, malè iudicat de præsentibus. Finiendus e-

quidem libellus videtur summi Viri Ioh. Zamofcij Encomio (Potentissimi Regis Stephani Muretus simul adiunxit) qui Sarmatiam suam viuis meritis ac virtute, ad meliora sublatus Orbem vniuersum memoria sui splendissima impleuit. Sed & merentur Carmina celeberrimorum virorum, quorum alter seculum hoc dotibus animi & doctrinæ maximis adhuc illustrat, vt vbiuis, nedum hic, legantur, vbi illis inter Sarmatica cætera sedes quasi propria & locus est. Ego verò quod purpuræ huic pannum meum assuere ausus sum, affectatione saltem pietatis & grati animi studio veniam merebor.

M. ANTONII MURETI

Νομισματα χρυσία.

Bina mihi artificis calata Numismata dextra,
 Magnus ab Arctoo misit Zamofcius Orbe,
 Aurea, non vani memorabile pignus amoris,
 Sæpe meo optatos animo referentia vultus:
 Magnanimi primum Regis, quo Martia gaudet,
 Quoque caput Cælo ductore Polonia tollit.
 Aspicias vs latè veneranda coruscat imago,
 Cunctaque diffuso circum loca lumine complet?
 Non ea vis auro; nec per se lamina lucet,
 Nec radiat rutili nativa luce metalli:
 Maius ab impressa sed ducit imagine fulgur,
 Atque ipsum Stephani sacer aurum vultus inaurat.
 Contemplare acresque oculos, frontemque verendam
 Et dignam Imperio faciem, dignamq; triumphis.
 Vt se se omni ex parte animi vis viuida profert,
 Degenerem luxum, mollesque exosa paratus!
 Vt spirat generosum, ipsoque videtur in auro,

Rega-

Regales agitantis imo sub pectore curas,
 Exitium Turcis meditari, & vincula Moscho!
 Hic vir, hic est natus virtuti & fortibus ausis:
 Cui duo tota pares alios si Europa tulisset,
 Thracius haud ultra nobis illuderet hostis,
 Sed profugus toto latebras sibi quareret Orbe.

Altera lamna loco pariter mihi grata secundo,
 Subjicit ante oculos authorem muneris ipsum,
 Cuius conveniens meritis imponere nomen
 Qui velit, inuicti Regis vocitarit Achatem.
 Hinc te igitur, (tua mi propius quando ora tueri
 Non licuit: cupidumque isthac inuisere regna,
 Pontificis tenuit non detrectanda potestas)

ZAMOSCI magne aspiciam, & persape nitenti
 In te defixam solabor imagine mentem:

Zamosci, per quem Marti sociatus Apollo est,
 Qui decora Heroum accumulans, & Nestora dulci
 Eloquio exaequas: & forti pectore Achillem:
 Et leges armis firmans, & legibus arma,
 Victricem Laurum pacata intexis Oliua.

Arbiter idem almae pacis, bellique minister
 Impavidus: laus egregij propria utraque ciuis.

Saluete o anima fortes, incoctaque honesto
 Pectora, & ignauo non peruia corda timori.
 Vos ego, quantum auidebitur, super ardua cantu
 Astra feram, numquam reticens vestra inclyta facta,
 Facta, alijs queis nomen idem, sed non eadem est mens,
 Aus animos factura, aut incussurapudorem.

In

EFFIGIEM ILLVSTRIS-
SIMI IOH. ZAMOSCI MA-
GNI POL. CANCELLARII,
in auro expressam & à Ios. Sca-
ligero legatam.

Prima diu patria tutela, decusque, ZAMOSCI,
 Ex aquo gemina Palladis arte potens,
 Sic oculos, sic tu frontem, sic ora ferebas,
 Cum pacatus eras, ut puto, talis eras.
 Non hunc aspicio Linonum quem sena timebant
 Agmina, praecepti quem Scythae fugit equo.
 Sed duce qui posito Romam, qui Cecropis urbem
 Ausus es in media ponere Sarmatia.
 Talis Scaligero voluisti nempe videri,
 Qualem te Musis, Scaligeroque dabas.

IN EANDEM.

Materiae aurum est, ductoris imago ZAMOSCI,
 Scaligero donum qui dedit, ille mihi.

MART. OPITII.

Hæc est ZAMOSCI facies: cum libera iura
 Assereret patriæ, non sibi, talis erat.
 Quod si, cum meritis viuit, vixisset & annis,
 Eternas traheret salua senectæ moras.
 Nunc cum sancta negent hoc rerum fata, renasci
 In nato melius debuit ille suo.

A D

VAR. LECT. LIBER. 71
AD ILLVSTRISSIMVM HE-
ROA THOMAM ZAMOSCIVM
Ejusdem.

Digne viro fili, qui te nisi prole beasset
Se patriamque, parem non habiturus erat,
Tu quoque me donas genitoris imagine, quondam
Qua se Muretis Scaligerisque dabat?
Sic Phæbus terræ licet edita lustret & arces,
Alma tamen paruis non negat ora casis.
Agnoscor aram, quo me dignaris, amorem;
Pectoris indicium nobile munus habet.
Materies aurum est, facies generosior auro,
Sed pretium à pretio dantis utrumque capit.
Lamna minor facie, facies ex sanguis; at in te
Spirantem sentit patria tota patrem.
Sentiât, & felix; tu sospes congrua magni
Vine patris meritis tempora, vine tuis.

FINIS.

INDEX

INDEX SCRIPTORVM

qui in hoc libro laudantur, il-
lustrantur, emendantur.

(Indiculum rerum tituli capitum fe-
rè complectuntur.)

<i>A</i>		Auctor Annalium Franci- corum, II.	
<i>Abrahamus Bibranus,</i>	16.	Auctor Elegiæ de morte Drusi,	26.
<i>Abrahamus Ortelius,</i>	9. 10. 19.	Auctor Herculis Oetæi,	52.
Acron,	32.	Auctor libri de Fluminibus,	23.
<i>Adrianus Iunius,</i>	51.	Auienus, 27. 36. Emendatur	28. 29. 30. 37. 38. 39.
<i>Ægidius Bucherius,</i>	63.	Aufonius,	22. 44. 63. 64.
<i>Ælianus,</i>	34. 54. 62.	<i>B</i>	
<i>Æschylus,</i>	2.	<i>Benedictus Pererius,</i>	41.
<i>Æthicus,</i>	5. 19. 23. Emen. 20.	<i>C</i>	
Agellius,	34.	<i>Cæsar,</i>	46. 49.
Ammianus Marcellinus,	2.	<i>Cæsar Baronius,</i>	67.
	8. 9. 11. 12. 33. 41.	Calendarium Vetus,	63.
<i>Andréas Schottus,</i>	21. 40. 51.	Capitolinus,	26. 59. 40.
<i>Annius Viterbiensis,</i>	41.	<i>Caspar Barthius,</i>	25. 27. 29.
Anonymi Carmen,	41.		37. 38.
Antiphanes,	35.	<i>Caspar Genartius,</i>	19.
Appendix Vaticana Adagio- rum,	21.	Catullus,	31.
Aristoteles,	48. 49. 53.	Claudianus,	31.
Arnobius,	35.	<i>Glan-</i>	
Arrianus,	5. 9.		
Athenæus,	34.		

INDEX.

Claudius Salmasius, 23. 24.

25. 30. 35. 62.

Clemens Alexandrinus, 50.

51. 52. 53.

Codex Iustiniani, 16.

Columella, 28.

Constantinus Porphyrogen-
netes, II.

Curtius, 21.

D.

Dio Cassius, 10. 15. 16. 23. 24.

56.

Dio Chrysostomus, 4. 20.

23. 25. 45.

Diodorus Siculus, 51.

Diogenianus, 51.

Dionysius Periegetes, 2. 6. 8.

49.

Dioscorides, 25.

Ditmarus Merspurgenfis, 48.

E.

Ephorus, 33.

Epigrammata Vetera, 27. 30.

31. 43. Emendantur, 24. 31.

Erotianus, 3.

Etymologus Græcus, 34. 47.

Eudoxus, 5.

Eusebius, II. 57. 60. 65.

Eustathius, 2. 8. 49.

Eutropius, 57. 59. 61. 63.

F

Federicus Morellus, 45.

Florus, 4. 43. 56.

Franciscus Schottus, 41.

Franciscus Suarez, 41.

Frontinus, 39.

G

Geographus Anonymus, 13.

Glossarium Vetus, 10. 37. 47.

H

Harmenopulus, 67.

Harpocraton, 47.

Hegesippus, 55.

Hepidannus, emendatur, II.

Herodotus, 3. 15. 20. 25. 26.

30. 35. 36. 40.

Hieronimus, 67.

Hippocrates, 3. 33.

Homerus, 6.

Horatius, 31. 32. 35. 38.

Hubertus Golzius, 57.

Hugo Grotius, 68. 70.

I

Iacobus Gothofredus, 13.

Ianus Gruterus, 10. 15.

Ianus Rutgersius, 22.

Inscriptiones Veteres, 4. 12.

15. 16. 23. 58. 60. Emendan-

tur, 16. 31.

K

Inscri-

INDEX.

Inscriptiones antehac inedi-		Marius Victor,	53.63.
tae,	17.18.	Martialis,	29.34.43.50.51.52.
Ioannes Goropius Becanus,	5.	Martyrologium Romanum,	67.
Ioannes Xiphilinus,	16.23.	Matthias Berneggerus,	33.
Ioannes Zamofcius,	58.	Melchior Goldastus,	11.
Iornandes,	10.20.25.56.60.	Michael Apostolius,	21.
Isaacus Casaubonus.	24.	Michael Siglerus,	15.
Isacius Tzetzes,	2.	N	
Isidorus,	5.45.46.47.	Nicephorus Callistus,	63.67.
Iulianus,	63.	Nicolaus Damascenus,	34.
Iulius Pollux,	46.47.		35.36.
Iustinus,	33.46.	Nicolaus Rigaltius,	38.
Iustus Lipsius,	54.	Nummi Veteres,	16.
Iuuenalis,	22.	O	
L.		Olympiodorus,	44.
Launus Torrentius,	41.	Orosius,	56.
Latinus Pacatus,	64.	Ouidius,	10.14.27.33.45.46.
Lampridius,	54.		47.50.52.53.
Lucanus,	2.35.47.62.	P	
D. Lucas,	65.	Palladius,	43.
Lucianus,	4.35.	Paulinus,	46.66.
Lycophron,	2.50.	Paulus Diaconus,	57.
Lyfias,	50.	Pausanias,	35.49.50.54.55.
M.		Petrus Pitheus,	24.27.
Manilius,	62.	Philippus Cluverius,	6.12.14.
Manucij Fratres,	10.		22.26.27.
Marcianus Heracleotes,	8.	Phile,	49.
	21.23.	Philo,	36.
Marcus Ant. Muretus,	68.69.	Philotheus,	67.
Marguardus Freherus,	11.	Phi-	

INDEX

Philostratus,	2.	Stattus,	19.54.
Photius,	44.	Stephanus,	3.5.9.23.48.
Plato,	53.	<i>Stephanus Zamofius,</i>	5.
Plinius, 2.3.9.11.13.14.23.34.		Stobæus,	34.36.
48.49.		Strabo, 1.3.4.5.10.15.21.33.	
Plinius Iunior, 6.40.58.65,		49.	
Plutarchus,	45.	Suetonius,	57.
Polyænus,	41.	Suidas,	51.
Pomponius Mela, 8.9.22.35.		Symmachus,	62.
36.47.		<i>T</i>	
Porphyrio,	32.	Tabula Peutingeri, 9.12.13.	
Posseuinus,	41.	16.21.26. Emendatur, 13.	
Prudentius,	46.66.	25.26.	
Ptolemæus, 8.9.10.1.213.16.		Tacitus, 9.12.13.32. 40.47.	
19.21.22.25.		50.52.53.45.55.57.	
<i>Puteani Fratres,</i>	10.	Tanhuferus,	11.
<i>R</i>		Tertullianus, 9.32.48.65.	
Rutilius Numatianus,	38.	Emendatur, 33.	
<i>S</i>		Theodoretus,	4.66.
Sallustius,	32.	Theophilaetus Simocata,	
Saluianus,	44.	11.	
Scholiaſtes Apollonij, 2.22.		Theophrastus,	48.
Scholiaſtes Iuuenalis,	22.	Treſus Pollio,	48.
Scylax Caryandæus,	13.	<i>V</i>	
Seneca, 38.40.44.46.56.		Valerius Flaccus,	8.54.
Seruius,	23.	Virgilius,	3.54.
Sidonius Apollinaris, 55.67.		Vitruuius,	25.
Silius Italicus,	54.	Vopifcus,	31.61.
Solinus, 20.25.35.48.49.		Vulcatius Gallicanus,	60.
Spartianus, 24.40.57.59.		<i>Wolf</i>	

I N D E X.

W		Z	
Wolfgangus Lazius,	15.16.	Zenobius,	28. 51.
X		Zosimus,	41. 63.
Xenophon,	54.		

Erratis, si quæ sunt (¶ in Præfat. fac. 5. lin. 10. dele alterum, eorum. Pag. 13. l. 27. Venedæ. P. 15. l. 22: DACIAE. P. 21. l. 15: de qua. P. 29. l. 9: Oestrurnidum ¶ talia, præter accentus Græcorum vocabulorum ¶ interpunctiones nonnullas, deprauata esse, vix aspiciens libellum deprehendo) ut ignoscas, Amice Lector, eaque per te emendes rogo.

F I N I S.





